


地250.101  
38  
部三22

奉新縣志

同治十一年重修

第二冊

卷二  
學校志一  
學宮  
書院  
試院  
附各田



奉新縣志卷二

學校志 學宮 書院 試院

庠序明倫典垂四代郡縣立學制昉初唐凡以尊重

先師烝養髦士非徒崇飾宮牆也

國朝振興儒教廣厲學宮

頌匾額以煥文章定樂舞以彰聲振褒崇之儀度越千古矣奉

邑地毓秀靈代多賢俊學自咸平而肇建基至淳祐而五

遷樓聳青雲門臨馮水科名鼎盛厥有由來邇更涵泳

聖涯絜新廟貌復置產以資修葺捐田以贍試生學校之間

蔚然稱美至書院公集育秀所資試院考棚掄才有地悉

奉新縣志

卷二

學校 學宮

為類記用誌弗謏為學校篇云

學宮

宋咸平元年知縣徐用和始建學宮於縣南馮水之上景

德四年邑人胡仲容捐建大成殿塑宣聖四配像繪十哲

於壁胡旦儒學記漢魏以來奉祀孔子惟曲阜闕里至唐

於壁開元始詔州縣置廟併像十哲七十子春秋釋奠載

於典章我宋因之奉新隸豫章在楊吳李唐時學校淪廢

久矣宋興以來官無橫斂人無異趨大江以南豫章之境

風俗淳厚士人儒雅家崇孝弟戶習詩書絃歌之教講誦

之聲無時或息猗歟盛哉宗人光祿寺丞胡公仲容奉新

人也南昌望族德業靈昌皇帝雍熙勅旌孝義若弟若子

中國總行處 國民銀行

FARMERS BANK OF CHINA

刊爲令典令佐行禮如儀於是新吳之墟人文爲盛談經肆業敦儒信道彬彬然矣嗚呼先聖以天縱之資睿作之性誕興文教卓爲世程廣厚同乎天地照臨齊於日月浸潤列于江海此所謂聖人之道大哉昔人稱之仁功邁於堯舜性理接於羲皇享配比於禹稷誠哉是言也况伏羲之馬牛神農之穀藥黃帝之軒冕孔子之詩書又皆民生日用之常大道至德之要一日不可闕焉者也三王五帝廟有定處祀有常時孔子之廟在先朝且詔州縣並建與社稷同獨令文物之邦治平之世此爲缺典烏乎可哉我宗人之是舉也厥志偉矣某月日會邑侯劉君率師生折幣徵文屬余記之且以表寺丞崇儒之心一邑風化之本庶後之興起於斯文者皆知水木之所自也余誼不容辭因得附書

寶元元年知縣王鞏造講堂精舍元豐六年知縣李

平遷於南津橋西崇甯二年司戶參軍權邑事李大有遷

於直菴院東五年知縣吳均明復遷南津橋故址建炎燬

於兵瀆祐八年知縣趙擗夫以學基低窪因惠安寺火遂

奉新縣志

卷二

上

學校

學宮

二

以學基易其地改建今所時邑人王允升周守約割隣地

以增其址宋末燬元至元十三年監縣昔刺不花知縣謝

季玉重建大成殿築齋舍至正壬辰復燬於兵明洪武初

知縣方淵卽舊地創大成殿宣德九年知縣璩鎮海重修

大成殿明倫堂堂東西建二齋東額曰進德西額曰修業

景泰二年知縣劉讓闢齋後曠地增創五楹以廣號舍天

順二年知縣田濟繼修成化六年知縣謝燧重葺學宮增

塑十哲先賢像謝一夔記又建文昌祠於明倫堂之左

謝

夔重建明倫堂記古昔先王盛時國有學黨有庠術有序家有塾是上自王畿下自閭巷莫不有學人生八歲則入小學十五則入大學是自幼至壯未嘗不在於學而學焉者小而灑掃應對之節大而修齊治平之術微而道德性

命之懿顯而禮樂法制之詳靡不有以究極其精微而躬行之不怠故德日以修業日以廣處也有士君子之行出也隨所任大小而各能著其效不幸而遭時多艱則思食其祿死其事而忠節之氣凜然與秋霜烈日爭光者學校之政修而教之有其素故也降自後世教化陵夷而凡志於學者多記誦詞章之習以第進取而於修己治人之道懵乎其無所聞知甚至剽竊腐爛之文以為拾青取紫之計若而人也進不能有益於人家國退不過為碌碌之庸人即間有豪傑其人亦累數百年而僅一二見焉烏能如古者藹藹焉濟濟焉之盛哉惟我高皇統御之初即詔內而畿甸外而郡邑皆立學校以育人材雖遐荒絕域靡不有之蓋欲復先王之制而其人才之盛亦與之並駕齊驅而無不及也猗歟休哉奉新儒學在治西南不半里許學故有明倫堂乃前令璩鎮海所建歲久傾廢屬者郡判虞君行邑見而慨焉謀撤新之知縣謝侯煥曰是乃某之責也請任其事於是教諭林淳訓導鄭和顧望各捐俸以為倡而邑之富而尚義者咸願出貲以助遂開拓舊址遣人詣湖湘求大木卜日就事作明倫堂三間高二丈五尺深四十七尺廣八十八尺堂東西復建兩齋凡十間翬翼倫奐軼乎舊觀他如饌射庖涵之所師生燕息之居亦靡不

奉新縣志

卷二

學校 學宮

三

修飾完美經始於成化己丑秋七月吉日迄工於是年十月望日於時規畫制度則有典史李慶董工則有耆民徐應剛廖大耕云堂既成僉謂不可無記乃具事顛末求予文刻諸石用垂不朽余謂為政以人才為先而學校實養育人才之地今奉新之學校修矣士之曳藍皂於斯者當何如其用心哉亦惟讀書明理以豪傑自期待而求至於古昔三代盛時之人才庶幾不忝所生而於朝廷建學育才之盛心亦可以無負矣若乃溺於流俗而以取富貴為事則不獨二三子之羞而亦足為國家之憂矣李盱江之垂訓具在諸士子可不慎而勉諸謝侯浙之臨海人用明經薦授司訓擢今職在任他政事皆勤而尤倦倦用心學校故大成殿兩廡戟門櫺星門皆先後次第修翬而是役乃其最

正德十六年教諭陳嘉猷訓導葉澤陸任忠以殿後云

廡戟門齋舍俱圯請於督學邵銳檄知府吳嘉聰知縣梁幹暨師生各捐俸貲助建又建名宦祠於戟門之左建鄉賢祠於戟門之右嘉靖元年知縣朱雲鳳嗣修大成殿

兩廡增創櫺星門規制始備十年奉詔撤塑像易木主更封號曰先師隆慶二年文廟歲久復圯知縣陳雋請以真常觀竹林寺入官廢產變價重修從之令義民劉興鎬陳身尤督理殿堂齋廡煥然一新又葺名宦鄉賢祠尋復圯萬曆十一年知縣朱南英新築磚城移對學門路十四年因水滄圯知縣沈天啟馮焯丁周復先後修葺規制闕敞二十四年邑耆民廖興幹重修儒學前城增建城樓知縣馮焯記三十二年知縣邢祚昌建青雲樓於儒學門之左後燬

國朝順治九年

奉新縣志

卷二

上

學校

學宮

四

命禮部頒立臥碑於天下學宮碑曰

朝廷建立學校選取生員免其丁糧厚以廩膳設學院學宮以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列于後

一生員之家父母賢智者子當受教父母愚魯或有爲非者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須

互相講究凡利國愛民之事更宜留心

一生員居心忠厚正直讀書方有實用出仕必作良吏若

心術邪刻讀書必無成就為官必取禍患行害人之事者  
往往自殺其身常宜思省

一生員不可干求官長交結勢要希圖進身若果心德純  
全上天知之必加以福

一生員當愛身忍性凡有司官衙門不可輕入即有切已  
之事止許家人代告不許干與他人詞訟他人亦不許牽  
連生員作證

一為學當尊敬先生若講說皆須誠心聽受如有未明從  
容再問毋妄行辨難為師長者亦當盡心教訓勿致怠惰  
一軍民一切利病不許生員上書陳言如有一言建白以

奉新縣志

卷二

上

學校

學宮

五

違制論黜革治罪

一生員不許糾黨多人立盟結社把持官府武斷鄉曲所  
作文字不許妄行刊刻違者聽提調官治罪

順治十四年大成殿歲久傾塌知縣萬物育偕訓導程良  
佐舉人閔鉞倡修十八年知縣黃虞再捐創兩廡立戟門  
并葺大成殿加丹雘復即舊地重建名宦鄉賢祠教諭梅

遇捐助康熙三年改建青雲樓於儒學門前

黃虞再重建  
學宮記據志

學宮歷代累遷明始永於此地三百年來其間雖修葺者  
屢屢而風雨漂搖卒何能其勿壞然事關教養根本實維  
守土之責予何敢諉焉乃謀諸教諭梅君而舉之其闕略  
而重新者則大成殿啟聖祠是其毀敗而鼎建者則兩廡  
及名宦鄉賢二祠是如戟門則因其舊而高大焉如省牲  
所則補其缺而特翬焉若青雲樓則即其地而翬建一如

初制焉苟完矣薄以塞吾責焉爾敢云丹雘棟梁哉 康熙二十三年

御書萬世師表匾額頒行懸掛二十五年二十八年

御製先師暨四配贊先後頒行

全文備見通志

康熙四十二年頒

御製訓飭士子文曰

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棫樸作人之意乃比年來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有叙爾諸生幼聞庭

奉新縣志

卷二

上

學校 學官

六

訓長列宮牆居恆誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化懦盈之氣文章歸於醇雅毋事浮華軌度式於規繩最防蕩佚子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或抗糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫覆扑濫竊章縫返之於衷能無愧乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛

恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正為國家宣猷樹績膺先後疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮即爾祖父亦增光寵矣逢時得志甯俟他求哉若仍視為具文玩愒弗儆毀方躍冶暴棄自甘則是爾等冥頑無知終不能率教也既負栽培復干咎戾王章具在朕亦不能為爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎奉新縣志

卷二

學校 學宮

七

御

書生民未有匾額頒行懸掛五年諱孔子名加卞為邱是年知縣王藩奉文建忠義祠於學宮左建節孝祠於學宮右十二年邑生員陳坦捐墁大成殿置香案增修明倫堂又於殿左改建魁樓殿左故有文昌閣康熙二十三年自東關外移建於此歲久剝落坦承父遺命改建兩翼累甃為崇垣樓上下設門格以達前後藻繪偉麗輝映宮牆下塑文昌朱衣上塑魁星像易今名

趙知希重修學宮碑記余來泄奉邑邑之學廢不修者有

年今歲七月邑庠生陳子坦起而肩其事請於余曰

聖天子崇文養士所在學宮多見修葺而吾邑涵濡

聖化人才日起顧獨任其廢不修乎且坦之先人有命矣先人之言曰學宮首大成殿



予聖靈爽所式憲也工之興廢於前者吾不知已目擊頽圯其  
何以堪殿北為明倫堂於康熙四十六年署篆蔣公略為  
修砌殿左為魁星樓亦於是年蔣公所改作者其材料取  
具於城東門外文昌之廢閣是兩者又皆恨未備易朽壞  
余迫於遲暮不及待小子勉之然則吾先人之懸切於後  
人者蓋何如也時為康熙六十一年顧蹉跎浴至雍正八  
年以修葺大成殿重煩我廬陵李學師已大非先人意閱  
今又五年矣倫堂魁閣日損一日敢不黽勉從茲役乎因  
感慨泣下余愈復義之陳子徐道經營之方若者繼若者  
舉條理井井夫非其重親命而籌之心者有素耶未幾工  
成予往觀之凡所為棟題楹桷塗茨垣墉巍煥乎一如  
前之云云者而於大成殿更有以成李君之美而補其所  
不足計自始事以來僅四五月耳何落成之速而勇於有  
為若是余因知陳子先人諱言敷字以奏號容齋以明經  
領康熙癸巳歲薦力學積行整躬濟物尤篤天性事其兄  
果亭雖暮年盡弟道唯謹而果亭亦復友于備至果亭諱  
言吉中康熙壬午解額第一邑人稱二難焉君子之觀人  
也觀於其大父子至愛一朝永訣命以義及公尚所謂  
樂天知命聞道君子歟詎區區齊生死一彭殤作達觀已  
也於茲觀先生之概信傳之不虚矣爰記諸石 舊志時

奉新縣志

卷二

學校 學宮

八

御書與天地參匾額頒行懸掛五年邑吏員彭仕捐拓儒學頭門

故老相傳往年移建時龜日安主梁文星吉曜咸聚為科  
名發祥之應今雖敝不可易乃以灰布合新材於舊梁并  
輔其棟雖高過於昔惟從下增其柱礎故舊朽盡易此梁卒未嘗動 乾隆三年

建三楹葺崇聖祠立下馬牌於櫺星門外疏泮池淤塞又

重修青雲樓伐石庀材高固峙立屹然巨觀嘉慶二十五

年知縣鄒山立捐修許建仕建樓時其從子錫祚亦捐墁

聖殿新兩廡龕座葺名宦鄉賢祠及各從祀木主趙知希重修學

宮青雲樓記

國家重熙累洽百廢具興尤加意  
文廟凡殿廡齋舍及有關學校之類許有司以時修葺部民之  
好義者亦得捐貲經理工成聞於  
朝分別旌獎焉邑學宮前城啟門曰遊聖門其上為青雲樓  
先是樓在學門內知縣黃公虞再改建門之上從形家言

以巽宜高聳取木入坎宮之義門以外法帶水環郭無  
道里居民蓋非以壯觀瞻資守禦也年久傾圮遊於門者  
滋懼焉自余奉命八年首學宮次城郭橋梁道路以及各  
應祀祠廟未修未創者間竭綿力從事賴邑人士好義次  
第舉行矧茲樓閣於學宮形勝可聽其傾毀乎哉同僚友  
廣文朱來郊先生與余同心亟白於諸士大夫時有吏員  
彭君仕者起而應曰古者制國所有事率役民為之後世  
計庸受直上之所以恤民益至顧習久不察民視公家事  
必待質齋焉仕甚恥之夫為善無近名仕少事吏曹三考例得  
不趨事於學耶且夫為善無近名仕少事吏曹三考例得  
受爵念老拙無能自効於時惟是督耕力作節衣縮食以  
稍有贏餘斯役也仕願竭心力為之無煩明府憂第懇弗  
加獎借以昧仕本志余視其年既邁味其言甚旨其於君  
民相屬之大義見之至其所謂正誼而不及利其誠旨於  
道者耶亟據情申於上臺報可乃伐石庀材一舉而新之  
又學門舊狹隘且頽今改建三楹較前宏敞有加其廟西  
崇聖祠朽壞者易之湮漫者圻之他如櫺星門外建坊表以  
警馳驟疏淤塞以規泮水經畫措置不留餘善夫彭君  
其樂善好義之風誠足附青雲而不可朽也抑嘗考學宮經  
理水城之後科第接踵而出今復增飾斯樓巍巍翼翼地

奉新縣志

卷二

學校 學宮

九

脈有靈紆青拖紫之士必知更盛於前彭君之功豈小補  
哉若乃列之於

聖朝

天子褒榮之典則上臺自有定鑒余亦不能微顯之也經始  
於乾隆四年八月十九日告成於本年十二月二十日計  
費貲一千一百七十餘兩此義舉之彭君與汲引之朱先  
生皆余所心折而不忘者為之記董事監生徐成業敬慎  
周詳又童生彭錫祚外捐百餘金於大成殿復加繪藻鋪  
塤及兩廡龕座牌位名宦鄉賢等祠並修整有差成業彭  
君門婿錫祚其胞姪也合併書之舊志樓為學宮形勝  
樓下曰遊聖門與學門對其西城垣下即泮池在櫺星門  
外水常涸舊因城北望外馮水宛如泮水濼涸極合形家  
者言後雖繕城四十一年邑人重建學宮經數載始告成  
此處不復增堞

其時另開泮池掘得萬曆丙申石碑經一百八十年文字

完善立之櫺星門外

明知縣馮焜重修儒學前城增建城

八月丙申朔江西南昌府奉新縣知縣馮焜縣丞徐汝翼  
主簿柴煥典史夏獻臣儒學教諭李權訓導盧子政潘可

至聖

受督工巡檢宋應桂等謹以牲醴之儀敢昭告于

城隍之神儒學當境土地之神曰伏以修身齊家之關鍵

備二南首著面牆而立之戒宗廟百官之宮牆高數仞竊

歎得門而入之難矧在學宮更憑秀水故天子之學曰泮宮

則水取前拱而如珪而大小從公邁義實詳於雅頌疏法

更密於陰陽家維是奉新學則浴舊內無泮沼正藉馮川

以壯波瀾前逼城垣竟礙崇墉而限衣帶彼水門對儒學

輔之問出將符識於沙洲之生而賢科黃甲之間稀多卿碩

咎於門牆之陋謂須前拓舊城牆方丈則廟門面馮水以

為奇更兼左建新城樓數尋則學門映巽峰而聳秀職關

提調事貴經營伏念燧甫下車而值文廟之棟橈已經完

輯稽堪輿而當午未之歲駕姑俟停工敬擇太歲丙申而

年日月時一炁乃為上吉恭喜八月初吉而根苗花實合

朔果自天申蓋聖賢之道當亨故幹枝之層交泰時以作

事工因聚財則有冠帶耆民廖興幹修學勸勞於昔年捐

貲募義於今且從此功成不日因是卜吉迨今敢薦庶儀

敬申虔禱伏願天地開黃道之吉辰城增固池增深形勢

奉新縣志

卷二

學校 學宮

十

與保障增麗山川出慶雲而時雨地益靈人益傑文運興

國祚益昌白屋出公卿變化無拘於門第青衿完素質佻

達不見於城隅由修齊而起家出身者不徒為身肥家

計而通天下國家為一身緣富美而入廟拜官者毋徒貽

宗廟百官譏而奠官家宗社於百世庶慰作興之願實資

陰隲之功謹告萬曆二十五年歲在丁酉秋八月吉旦奉

新縣儒學教諭李權訓導盧子政潘可受立碑 知縣郝

適重建學宮記

國家振興文教首重學校我暨於上塞洵為千古所未有奉

皇上崇儒重道禮教覃敷設學暨於上塞洵為千古所未有奉

新居豫章西風俗醇厚士人儒雅家崇孝弟戶習詩書前

人既言之矣百餘年來涵濡

聖化遷徙靡常至明始定今所歷年既久雖屢經修葺然風雨

先師

簡命來泚茲土循例謁

大成殿

孔子廟與諸生試講畢敬瞻

然一新

詢諸學博胡董二君乃知邑紳士請前令詳准捐

修工興乙未

十月迄今乃葺事木石精良費幾巨萬余聞

而喟然謂諸君子好義有如是哉昔我夫子諄諄以義望天下故曰見義不為無勇也顧義之事與利反實與利隣辨其有所為而為之與無所為而為之者而後義利之辨明而學聖有階也今諸君子之為斯舉豈有所為而然耶惟見於義之不可解出於情之所大順故合邑有同志而四年無渙情於此見

盛朝之聖學昌明而希聖不假外求也衷於義之所當為而已余愧未與斯舉而樂觀其成既喜諸君子之好義而更望繼起諸賢志聖人之志學聖人之學處為名儒出為名臣斯不負今日之義舉以仰答

聖天子興賢育才之盛心也歟是役也木若干石若干費金若干鳩工者誰庀材者誰率作興事者誰均不可不書也附勒諸石

嘉慶四年

御書聖集大成匾額頒行懸掛九年進城鄉嚴盛旭重修櫺星門十八年十九年從善鄉重修

大成殿徐南隱支及瑞光良機等重修

奉新縣志

卷二

學校 學宮

十一

大成門歸德鄉重修欄杆式面丹墀徐耕隱竹隱聞禮支重修東西兩廡鄧慎菴職齋重修泮池欄杆廖為鐸重修禮門義路廖從善裔重修名宦祠及祠外墁石進城鄉彭遇軒裔重修忠義孝弟祠賴炳重修鄉賢祠二十五年嚴盛旭等重修櫺星門外墁石名勒石碑嘉慶元年監生徐良誠捐修學宮外右側書院前石路道光二年

御書聖協時中匾額頒行懸掛是年封員徐錫會捐修學宮外左側石路三年職員徐光旭遵父錫會遺命捐修戟門外泮池石欄杆咸豐二年

御書德齊禱載匾額頒行懸掛五年城陷賊毀櫺星門等處七年

登瀛集修葺費錢六百餘緡同治元年知縣劉士清邑進士賴運揚等倡捐重修

賴運揚記 州縣立學宮昉於宋沿於元明而大備於我

朝所以受

至聖之靈興造士之教禮祀特隆關繫綦重也吾邑學宮自乾隆中年修葺迄今將百年不無朽棟橈之慮近復兩遭兵燹櫺門燼於劫灰卸砌鞠為茂草春秋二丁但虛應故事邑侯劉月溪父台以滇南孝廉權篆奉邑下車未久即有志於重修簡予與封職徐樹楷孝廉余泰和廣文宋邦宣茂才趙拜庚董其事夫事無難易亦視為之者何如耳方劉侯之議重修也聞者難之難於集費與庀材奉邑甫經克復城市荆榛商民蕩析一切木石磚瓦倍昂其值劉侯不憚艱阻銳意為之捐俸倡之復勸各鄉視大小豐嗇分輸之其原係一家一族捐建之所仍勸諭後裔有力者踵成之於是予與諸君勉從事多方覓購量入為出罰怠勸勤不及瓜而工遂戩向之燼於劫灰鞠為茂草者倏已棟宇矣椽題矣丹牋而金碧矣巍乎煥乎

奉新縣志

卷二

學校 學宮

三

天門時將來科名鼎盛知必較勝於昔非皆由劉侯興廢舉墜所為嘉惠士林者溥且遠也哉是役也共收費一千有奇除用外餘貲以置什物豆籩別具簿冊至於後裔踵成則如廖姓於名宦祠徐姓於宮外石欄進奉鄉於兩坊鄧姓於泮池石欄是餘魁星樓十坊及正副齋因費不給而暫緩以俟好義者予於是役既仰劉侯之急先務更喜諸君之勤於襄事督工也爰不揣荒蕪為記其大凡如此

同治四年

御書聖神天縱匾額頒行懸掛

祀典

大成殿奉祀

至聖先師孔子

東配位 復聖顏子 述聖子思子

西配位 宗聖曾子 亞聖孟子

東哲位 先賢閔子損 冉子雍 端木子賜 仲子由

卜子商 有子若 乾隆三年升配

西哲位 先賢冉子耕 宰子予 冉子求 言子偃

顓孫子師 朱子熹 康熙五十一年升配東哲末位乾隆三年改西哲末位

兩廡從祀

東廡先賢 公孫子僑 成豐七年從祀 林子放 原子

憲 南宮子适 商子瞿 漆雕子開 司馬子耕 梁

子鱣 冉子孺 伯子虔 冉子季 漆雕子徒父 漆

雕子哆 公西子赤 任子不齊 公良子孺 公肩子

定 鄒子單 罕父子黑 榮子旂 左人子郢 鄭子

奉新縣志

卷二上

學校 學宮

三

國 原子亢 廉子潔 叔仲子會 公西子輿如 邾

子巽 陳子亢 琴子張 步叔子乘 秦子非 顏子

噲 顏子何 縣子亶 牧子皮 樂正子克 萬子章

周子敦頤 程子顥 邵子雍

西廡先賢 邁子瑗 澹臺子滅明 宓子不齊 公治

子長 公皙子哀 高子柴 樊子須 商子澤 巫馬

子施 顏子辛 曹子邴 公孫子龍 秦子商 顏子

高 壤駟子赤 石子作蜀 公夏子首 后子處 奚

容子蒧 顏子祖 句井子疆 秦子祖 縣子成 公

祖子句茲 燕子伋 樂子欬 狄子黑 孔子忠 公

西子葳 顏子之僕 施子之常 申子振 左子邛明

秦子冉 公明子儀 咸豐三年從祀 公都子 公孫

子丑 張子載 程子頤

東廡先儒 公羊氏高 伏氏勝 毛氏亨 同治二年從祀

孔氏安國 后氏蒼 鄭氏康成 范氏甯 陸氏贄

道光六年從祀 范氏仲淹 歐陽氏修 司馬氏光

謝氏良佐 道光二十九年從祀 羅氏從彥 李氏綱 咸豐

元年從祀 張氏棫 陸氏九淵 陳氏滄 真氏德秀

何氏基 文氏天祥 道光二十三年從祀 趙氏復

金氏履祥 陳氏澔 方氏孝孺 同治二年從祀 薛氏

奉新縣志 卷二 上 學校 學宮 西

瑄 胡氏居仁 羅氏欽順 呂氏枏 同治二年從祀

劉氏宗周 孫氏奇逢 道光八年從祀 陸氏隴其

西廡先儒 穀梁氏赤 高堂生 董氏仲舒 毛氏萇

杜氏子春 諸葛氏亮 王氏通 韓氏愈 胡氏瑗

韓氏琦 咸豐二年從祀 楊氏時 尹氏焯 胡氏安

國 李氏侗 呂氏子謙 袁氏燮 同治七年從祀 黃

氏幹 蔡氏沈 魏氏了翁 王氏柏 陸氏秀夫 咸豐九年

從祀 許氏衡 吳氏澄 許氏謙 曹氏端 咸豐十年

陳氏獻章 蔡氏清 王氏守仁 呂氏坤 道光六年從祀

黃氏道周 道光六年從祀 湯氏斌

謹按闕里文獻考聖門弟子左傳有仲孫何忌及說小戴禮雜記有孺悲射義有公罔之裘序點家語又有孔璇惠叔蘭莊子有常季晏子有鞠語呂覽有顏涿聚史記作顏濁鄒成文翁石室有廉瑀魯峻石壁畫有子服何皆受業孔子其中未必無可採入從祀者今備列其名以俟後之議禮者考證焉

甘汝來請復先儒吳澄從祀疏 疏為請復先儒從祀以崇正學以裨

聖化事竊惟表彰先賢乃盛世崇儒之曠舉釐正祀典尤聖代議禮之鴻模臣伏考元儒吳澄天姿英異少時即知用力

聖賢之學致踐履之實以道自任因而著書立說師表當世其自勵則有勤謹敬和自新自修克己悔過矯輕警惰等銘其教學則有學基學統等篇又考立孝經校定易詩書春秋修正儀禮戴記各有纂言又校訂皇極經世及老莊太元樂律等書皆所以啟大道之堂奧為後學之津梁者也至於德性純粹氣象春容言規行矩可法可傳施教成均則師道尊重進講經筵則誠意深摯昔人謂其進學之勇見道之真周程張朱莫或過之非虛語也明宣德時禮部尚書胡濙等會議吳澄為元大儒有功名教詔准從祀殆將百年及嘉靖初輔臣張璁引謝鐸之議以澄生

### 奉新縣志

### 卷二

學校 學宮

五

宋仕元遂黜其祀不知澄之在宋雖膺鄉薦未霑一命宋制鄉薦不第者仍充生員澄並未登第固依然韋布耳及天下歸元已久率土皆臣賢君相敦聘不已乃猶十召而不起甫進而旋退官止於師儒職專於文學出處之際卓然君子璵乃以是而貶之亦謬矣况元之大儒惟許衡與吳澄二人澄固宋之逸士衡亦金之遺老金之視元猶宋之視元也許衡仕元未有議之者獨苛於吳澄何耶非論之平也伏查雍正二年

### 世宗憲

皇帝諭令廷臣釐正文廟祀典經九卿諸臣議准宜復祀者六人宜增祀者二十人考核精詳至公至當獨吳澄一人未經議及似屬遺漏臣蒙

皇上

天恩俾充三禮館總裁伏見吳澄所著禮經諸書援據精切義理融貫闡俗學之淺陋發前賢所未發實能羽翼經術昭示來茲按祀法有功於聖道者則祀之今澄者著述之功彰彰具在未便置之不論茲欣逢我

皇上

崇儒重道正禮明禋集道統之大成晰羣疑於千古此時若不亟請復祀則澄之真儒實學終埋沒而不彰矣合無

仰請

勅下

廷臣集議將吳澄仍准入祀廟庭不獨為先儒表揚遺徽將使正學日隆人心胥勸風聲所樹洵足開萬世太平之



基矣

崇聖祠明嘉靖九年遵制建啟聖祠於文廟之西南十一年邑生員蔡焯捐貲增創啟聖祠及神厨牲房具如制知縣來汝賢記

國朝雍正元年加封孔子五代王爵改啟聖祠曰崇聖祠乾隆十年邑舉人蔡尙才偕弟貢生鴻才於明倫堂東合貲捐創崇聖殿殿後為尊經閣閣下左右輔為屋五楹廊屋二間殿前為兩廡又前為頭門門左右亦為屋五楹左為祭樂器庫右為牲房倉廩門外甃石為甬道梁棟椽桷蓋瓦級磚盡選以良材堅壁崇垣圍繞規制偉麗為諸郡邑

奉新縣志

卷二上

學校 學宮

六

冠陳景仁鼎建崇聖殿尊經閣碑記奉新廟學在馮川之濱規制向稱粗備其右舊有崇聖祠沿明啟聖故祠地既湫隘無楹柱之屬從祀俱列堂上非禮也左為學署屋僅數椽歲久敝漉殆不可居凡書籍藏棄貯署東一小樓風雨剝蝕不免朽蠹初分巡周公牧李公嘗以事至縣瞻仰之餘慨然思所以新之未遑也歲在乙丑邑孝廉蔡君尙才明經鴻才來請於司訓陳君願出其私財竭力創興之陳君為上其事於大中丞學使者咸報可於是蔡君迺諮於邑大夫士以廟左地爽塏而寬舒又合於形家者言請毀其學署東所謂小樓者自魁星樓至明倫堂左為地廣幾丈縱倍之中建崇聖大殿其後為尊經閣其前為祠門廳堂周以崇垣繚以迴廊凡門榮廡序戶牖甬道階級之屬靡不具備以三月十八日起工十月十七日落成計用金四千一百二十六兩有奇先是七月初余奉檄調任奉新至甫兩月而工竣余嘉蔡君之志將白於上臺以其事聞於

聖朝蔡君頰蹙來言曰某兄弟之為是蓋竊覩天子崇儒重道之意以自盡其心之所安至於干名冒旌非某之所敢當也敢固辭嗟夫若蔡君者可謂知所重矣夫祀大事也崇聖一祠固孔子明德之所自出若夫六經史

傳則如圖球大訓頌自策府是舉也以尊

朝廷之賜而隆秩祀之禮甚盛典也爰為之記舊志按崇

聖祠始建於聖殿西南地既湫隘自蔡焯增拓後沿襲舊

制且二百餘年而明倫堂左尊經堂僅一小樓藏書籍風

雨不蔽其前後地極寬爽尙才等撤舊而改創之功在聖

門事光前烈可謂善繼事者矣尙才鴻才即焯之五世從

也孫嘉慶十八年尙才姪孫廩貢蔡象頤重修楊認記咸豐

五年賊毀同治十年公費重修潼關楊認記世多以不吝

者何地何事思以培本則善以邀福則鄙聖人者天下之

本原也天下人之所以生所以治皆聖人為之故有能出

重賞以時葺完其廟堂禮器亦尊聖人之一端雖三尺之

童知其非為邀福計矣道光三年認領江右泰和篆與司

鐸奉新蔡君象頤甚相得知蔡氏世世用財於學宮先是

其族祖諱焯者前明以子官封資政大夫特建啟聖祠費

千金經兵燹焚毀殆盡

國朝乾隆某年月日其曾伯祖孝廉諱尙才與弟中憲大夫

鴻才鼎建崇聖殿暨尊經閣費數千金歲久殿宇漸頽蔡

君念先世詒謀不可替嘉慶甲戌重修飾之費亦千餘金

奉新縣志

卷二

學校 學宮

七

其族祖其曾伯祖兄弟善已而蔡君者家僅中人產屈迹

諸生縱稍吝於財誰其強之乃樂於用財如此此誠未易

為一二俗人道也蓋一舉而兩善具焉彰祖迹寓孝思也

崇聖人重本原也足以愧天下之不肯用其財與不善用

其財者詎故 崇聖殿奉祀 樂得記之

肇聖王木金父

裕聖王祈父

詒聖王防叔

昌聖王伯夏

啟聖王叔梁紇

崇聖殿四配東配位先賢孔氏孟皮顏氏無繇孔氏鯉西

配位先賢曾氏點孟孫氏激公宜

兩廡從祀東廡先儒周輔成程珦蔡元定西廡先儒朱松  
雍正二年增祀張迪

名宦祠歷朝入祀宋知縣廖擇楊萬里沈雲舉高南壽王  
正邦張瑄明知縣璩鎮海田濟謝峻楊勳吳景王嶽何澹  
劉守緒朱雲鳳陳仲錄金應徵陳雋朱南英支大綸馮焜  
李元調李允佐南昌府推官李嗣京教諭張克靜周文盛  
林勤唐經農志科訓導况思文縣丞何永清

國朝入祀知縣黃虞再董宏毅提督學政高璜楊禹

鄉賢祠歷朝入祀南唐徵士羅靖羅簡宋國子監簿胡仲  
堯員外郎胡順之光祿寺丞胡仲容通判胡用莊尙書胡

奉新縣志

卷二上

學校 學宮

六

直孺知府余紹祖知縣陳特立知軍事胡价通判余炎午  
進士陰應夢童科陰幼達陰幼遇元縣尹鄧梓山長陰炤  
明主事黃載侍郎陳宗禮御史邵彥輝監丞張顯高士劉  
應鸞通政呂爰正布政使熊本誠知縣劉震助教廖彤知  
州周鑑通判余鼎實訓導鄧九思知州余秉清尙書宋景  
主事余楨御史鄧顯麒通判余茂副使廖天明知府余良  
翰尙書蔡國珍知縣余良楨府尹宋國華少卿宋應和  
國朝入祀同知徐文璉知府涂文煥知縣甘文翰同知宋士  
中左都御史帥衆贈檢討張應辰贈給事中帥我知縣封  
尙書甘顯祖尙書甘汝來教授贈迤西道宋五仁

忠義孝弟祠雍正二年定制祀宋知縣趙時侷元照磨鄧椿縣丞舒泰明守備帥萬全孝子黃夔余禛周烜趙霽余良贊甘大樞謹嘉訓宋應鼎帥以忠魏應科謹光彩

國朝贈參將李永昌贈都司僉書李名芳孝子宋士燧萬選

舊志元孝子涂可軾湯霖明嚴聖臣李應選周勃許廷

仁廖本彝徐亮鄧銓耆碩陰銑義士黃翊彭文亮熊玉全

張規德胡雪五

國朝祀忠臣把總周焜孝子副貢徐業顯邑庠羅興梧余以

英廖希煥鄧沐任嘉慶間治城封職彭遇軒支裔重建咸豐五年賊燬同治十年公費重修

節烈祠在訓導署右雍正二年定制祀余文佐妻費氏魏

奉新縣志

卷二上

學校 學宮

九

文博妻湯氏胡紳妻謝氏謝烽妻雷氏謝邦化妻余氏陰

一暘妻邵氏陰期孫妻黃氏廖繼耕妻余氏李瓚妻胡氏

余陽妻張氏易功廉妻江氏徐鎰妻舒氏余楷妻舒氏徐

執楊妻吳氏周南妻彭氏徐袞妻余氏徐文珙妻張氏羅

念三妻陰氏廖邦本妻項氏徐士登妻周氏劉尙三妻潘

氏徐時魁妻余氏宋承慶妻顧氏劉日懋妻彭氏宋雍三

妻熊氏羅懋孳妻劉氏徐水三妻舒氏甘應俊妻熊氏廖

之元妻王氏羅秉文妻劉氏徐一泰妻彭氏徐光捷妻陳

氏潛振遠妻鄒氏劉應麟妻李氏余觀生妻陳氏甘俊妻

胡氏余德俊妻古氏甘懋謙妻單氏唐顯眾妻馮氏劉待

晉妻徐氏廖邦春妻陳氏徐楫彥妻王氏徐友揆妻帥氏

陶邦興妻羅氏周時虎妻晏氏徐天旋妻陳氏陳奕慶妻

廖氏廖軾妻趙氏徐維統妻帥氏甘本澄妻涂氏鄧自適

妻魏氏以上照舊志登載咸豐五年賊燬遺址在今副齋門首原

新節烈祠在城西灣里道光廿六年邑紳徐心田倡勸捐

豐五年賊毀同治十年公費重修于原好義祠遺址將

公費改建節烈祠祀本年旌節烈七百七十餘口

土地祠在明倫堂西偏其創始莫可考今移建儒學頭門

左側咸豐五年賊燬同治七年邑紳衿勸捐修復

明倫堂明洪武三年知縣俞思濟於大成殿北創明倫堂

奉新縣志

卷二

學校 學宮

三

丈直深二十五丈嘉靖七年遵制立敬一亭於文昌祠北

舊志亭久廢乾隆十年改建崇聖殿掘土數尺得石碑鐫御製敬一箴書法端秀刻龍繞其四隅鱗爪精細具如新

今豎之明倫堂天啟元年知縣袁化重修

國朝雍正七年教諭李文錦倡修明倫堂及殿廡自為記乾

隆四十四年合邑重建陳鳳澁記堂何以建繼事也堂之前廟制頗隘遂截堂墀地以廊之

勢踞甚焉改建之宜急也且是堂也創始於前明距今二百餘年矣中間雖屢加修葺而蠹蝕之傷所不免焉今殿

已告成豈無人焉起而任其事者歲已亥春招邑同志議於堂為簿募計顧又以大工煩費之餘恐應者有難色而

余曰不然余惟道之散見於倫類也跪乳反哺物猶報本矧其在人也命於天而成於教則必有所性所命之屬纏

綿而莫解於其中者且吾邑固多好義士殿成矣何憂乎堂顧於時不急起而繼之而其事且以因循而遂廢甚非

所以敦倫常厚風俗之道也歲之旦月遂與諸同人請於公諸所需材且悉貫之未幾旬月而薦紳士庶之家斂金

者已忻然四應矣於是先期卜日謁賢宰而戒以將事設程簿審經費酌器具完者拾之以補其不足無靡材矣猶懼其簡而陋也培者峻其基築者固其址次第而丹雘之者不奢不儉而一一求合於法而止堂之規退後二丈有奇因廟制也高廣皆增於舊左建亭貯碑右增制小舍三間繚以藩垣爲邑泮公局右樹桂左種槐繼長增高以待時雨經始於己亥九月越明年五月告成夫然後堂與殿交輝而向之棟欹而殿礫者今且煥然一新矣夫學貴有繼重建者所以爲繼也而余獨有感焉自我朝雍正十三年先王父重加捐葺綿延至今而余不克負荷其後愧何如之顧幸諸君子合志同心一朝奮勵庶獲相與以有成將上以答聖天子樂育之盛心而余之欲繼先志而力未逮者且藉眾力以勦成之而稍以慰余初念也堂旣成因上其事於邑宰而屬予記之時宋公紱胡公之瑞宋公九銳廖公爲華嘉甘公志遂朱公正元皆能以和衷集事者並書於石焉嘉慶十九年奉化鄉毓英文會重修

尊經閣在崇聖殿後乾隆元年教諭朱孔陽葺文昌祠改

奉新縣志

卷二

學校 學宮

三

爲尊經閣十年邑舉人蔡尙才貢生鴻才修嘉慶十八年

廩貢蔡象頤重修

補過齋在明倫堂東原名進德齋宣德九年知縣璩鎮海

建後改爲尊經堂乾隆元年教諭朱孔陽復改尊經堂於

文昌祠易今名

射圃舊在儒學門左知縣謝煥建成化二十一年大水漂

沒正德六年知縣侯盛復於學宮後買四惠廟廢址改建

創門樓一座觀德亭三間嘉靖六年提學徐一鳴毀崇元

觀知縣周世雍於觀之西址復創射圃及觀德亭刻鄉射

禮節以垂教今皆廢

觀瀾亭在東廡之東洪武三年教諭張克靜建今廢

與點亭在明倫堂東隆慶五年教諭朱何建今廢

教諭署在聖廟東北即今尊經閣所成豐五年賊燬同治

七年教諭汪文瀾倡勸闔邑重修

訓導署在聖廟西南即舊啟聖祠地咸豐五年賊燬同治

七年訓導朱祥國倡勸闔邑重修舊志按知縣據鎮海所建明倫堂東西二齋即

國訓導署崇禎十五年西齋訓導奉裁署遂廢

國朝順治十六年東齋訓導復奉裁官廨如故教諭署舊在

僅存虛址教諭所居惟於故所奉裁東齋訓導宅僅三舍

國朝康熙三年裁教諭復設訓導二十二年復設教諭教諭

### 奉新縣志

#### 卷二

學校 學宮

三

取所撤尊經堂材料益以已俸創公廨三重於啟聖故祠

祭器

舊志祭器歷沿舊制殘缺過半所存範金數事又多損壞

乾隆十二年奉文頒發春秋陳設煥然一新

舊銅器大香爐一小香爐四損一 大圓花瓶二瓶耳缺

其一 大小爵八十有八完好者二十九餘俱損壞 舊

鐵器大小中香爐各三中俱損大小各損一又破碎香爐

九鐵貯學庫 舊瓷器罇一 舊木器豆三十三 帛盒

五 燭架十二 新置銅器勺八 新置鐵器燔爐二

庭燎爐八 新製錫器盥盆二 茅沙池二 新置瓷器

登一 筭二 鼎十六 毛血盆二 碟十六 劔二十  
二 簋各六十二 罇十五 爵十八 香爐十一 新  
製竹器籩二百四十六 新製木器豆二百三十六 饌  
盤十六 牲盤十八 俎二十 燭臺一百零六 高照  
四十六 帛盤十八 供桌九 新製紬器幕幃八 桌  
帷十八 以上舊志

祭品 雍正五年定制乾隆四年頒發文廟陳設圖

大成殿正位 白瓷爵三 罇一 牛一 羊一 豕一

登一 實以太羹 薄牛肉汁 劔二 實以和羹 用豬脊肉薄

鹿起醬醋等調勻置碗底用腰子切 簋二 在左 劔南實

奉新縣志

卷二

學校 學宮

三

以黍稷 簋二 在右 劔南實 以稻粱 籩十 在簋東 實以

形鹽 淨鹽羅 藁魚 大魚鹽醃過臨祭 鹿脯 肉一塊酒醃炙

鮮或膠或乾或栗用大栗如無以 榛 揀肥實者如無 菱

或菱米 芡 即雞頭實如 右 入籩 作兩行 黑餅 菽麥麵造

或鮮菱 芡 無以蓮肉代 右 入籩 作兩行 黑餅 內作沙糖

行 豆十 在簋西 實以韭菹 揀過生韭切去本末取中三

芹菹 揀淨生芹長切淡用 菁菹 揀過菁菜切長 笋菹 淨

如未發芽亦取根用 菁菹 片略經沸湯澹用 笋菹 乾

筍煮過洗淨 醢醢 豬脊肉細切小方塊用鹽 鹿醢 鹿肉

切長片澹用 醢醢 酒葱椒蒔蘿茴香拌勻作鮮 鹿醢 切作

小塊造 兔醢 兔肉切小塊 魚醢 鮮魚肉切小方 右 入豆 作

法同上 兩行 脾析 用羊脾切細條沸湯 豚拍 豬脊膊上肉若壇

撈過鹽酒拌勻用 豚拍 數多近膊者亦可



用右二豆在前八豆之西一行 禮神制帛一用綾長一丈八尺實諸篚在籩豆之南 鑪一 鐙二

四配每位 白瓷爵三 羊一 豕一 釧二 簋二

籩二實同正位 籩八 豆八視正位籩減白餅黑餅豆

減脾析豚拍 篚二東西各一實二帛用絹 鑪一 鐙

二

十二哲東西各六案 白瓷爵各一 釧各一實同 簋

各一 籩各一分實黍稷減稻粱 籩各四 豆各四視

配位籩減鱮魚榛菱芡豆減韭菹醢醢笋菹魚醢 東西

各羊一 豕一 罇一 篚二東西各一各實六帛 鑪

奉新縣志

卷二

上

學校

學宮

三

二 鐙二

兩廡先賢先儒二位共一案 每位爵一 每案簋一

籩一 籩四 豆四實俱同哲位 先賢案前東西各羊

二 豕二 香案一 鑪一 鐙二 先儒案前東西各

羊一 豕一 香案一 鑪一 鐙二 篚二東西各一

制帛各一 酒罇三

崇聖殿正位與大成殿配位同

四配同哲位 酒罇一

兩廡先儒同哲位 酒罇一

樂器

舊志云樂器久缺不知始於何時乾隆十二年偕祭器奉  
頒祀事之制始備建二庫於大成殿之左廂一貯祭器一  
貯樂器

大鼓一 楹鼓一 應鼓一 鼗鼓二 琴六 瑟二  
笙六 龍笛六 鳳簫二 洞簫六 塤二 篪二 柷  
一 敔一 佾翟四十八 舞籥四十八 羽毛一百四  
十四 石磬十六 銅鐘十六 象簡六 麾幡六 旌  
節二 千二 戚二 以上舊志

祀儀

時日順治二年定每歲以春秋仲月上丁日致祭如遇有

奉新縣志

卷二

學校 學宮

三

事改次丁日或下丁日十五年定時辰用上丁日子時

齋戒雍正十年定前期執事人等各於家致齋二日

樂奏康熙八年訂正樂章改章名和爲平稱中和韶樂五

十二年改造樂器審定黃鐘之度五十五年奏准平字樂

章頒行

欽定文廟春秋丁祭樂章

大哉孔子先覺先知與天地參萬世之師祥徵麟紱韻答金絲

日月旣揭乾坤清夷

昭平章 迎神

予懷明德玉振金聲生民未有展也大成俎豆千古春秋上丁

清酒旣載其香始升

宣平章 初獻

式禮莫愆升堂再獻響協鼓鏞誠孚疊獻肅肅雍雍譽髦斯彥

禮陶樂淑相觀而善秩平章亞獻

自古在昔先民有作皮弁祭菜於論思樂惟天歸民惟聖時若

羹倫攸叙至今木鐸叙平章終獻

先師有言祭則受福四海豐宮疇敢不肅禮成告徹毋疏毋瀆

樂所自生中原有菽懿平章徹饌

鳧繹莪莪洙泗洋洋景行行止流澤無疆聿昭祀事祀事孔明

化我烝民育我膠庠德平章送神

謹按康熙五十五年初定樂章頒發於各府州縣學雍正八年重易今樂章乾隆五十一年定樂譜鍾呂嘉慶五年遂并頒譜於各學舊志迎神咸平初獻甯平亞獻安平終獻景平徹饌送神俱咸平與會典異今改正

奉新縣志

卷二上

學校 學宮

三

祝文乾隆九年頒定文曰惟先師德隆千聖道冠百王揭

日月以常行自生民所未有屬文教昌明之會正禮樂節

和之時辟雍鐘鼓咸恪薦於馨香泮水膠庠益致嚴於籩

豆茲當春秋仲祗率羹章肅展微忱聿將祀典以復聖顏子

宗聖曾子述聖子思子亞聖孟子配尚饗

省牲乾隆四年頒定前期一日承祭官至文廟觀樂畢具

朝服上香行三跪九叩頭禮畢至省牲亭香案前獻爵奠

酒揖宰牲取血執事生捧送各案供奉承祭官俟安設畢

一揖退按會典云凡省牲前期二日宰牲前期一日牲四等曰犢曰特牛曰太牢用牛一羊一豕一日少牢

用羊一豕一其牛色尚駢或騶

儀注乾隆四年頒定正祭日丑前五刻陳設牲帛器數省  
視如儀承祭官暨分獻官陪祀各官皆朝服入大成左右  
門北面序立引贊引承祭官詣盥洗所盥手畢詣拜位前  
立引分獻陪祀官咸詣拜位序立通贊唱樂舞生就位執  
事者各司其事承祭官就位分獻官陪祀官各就位唱迎  
神乃舉迎神樂奏昭平之章樂作唱行三跪九叩首禮興  
樂止唱奠帛爵行初獻禮舉初獻樂奏宣平之章舞羽籥  
之舞樂作引贊引承祭官升東階入殿左門詣

先師香案前贊上香司香跪捧香承祭官三上香畢俯伏興次  
詣

奉新縣志

卷二

學校 學宮

三

先師位前贊跪承祭官跪贊奠帛司帛跪奉篚承祭官受篚拱  
舉奠於案贊獻爵司爵跪捧爵承祭官受爵拱舉奠於墊  
中俯伏興引贊引詣讀祝位樂止贊跪承祭官跪分獻陪  
祀各官皆跪贊讀祝司祝跪讀祝畢樂作承祭官分獻陪  
祀各官皆行三叩首禮興引贊以次引承祭官詣四配位  
前皆贊跪奠帛獻爵俯伏興復位引贊分引兩序分獻官  
升東西階入殿左右門詣十二哲位前跪奠帛獻爵俯伏  
興復位引兩廡分獻官分詣先賢先儒位前跪奠帛獻爵  
俯伏興復位樂止通贊唱行亞獻禮舉亞獻樂奏秩平之  
章舞同初獻樂作引贊引承祭官升階詣

先師暨四配位前奠爵於左如初獻儀兩序兩廡分獻畢均復位樂止通贊唱行終獻禮舉終獻樂奏叙平之章舞同亞獻樂作引贊引承祭官升階奠爵於右如亞獻儀兩序兩廡隨分獻畢均復位樂止文舞退通贊唱飲福受胙引贊引承祭官詣飲福受胙位贊跪承祭官跪贊飲福酒右一人跪遞福酒承祭官受爵拱舉授於左次受胙如飲福儀承祭官三叩興復位通贊唱各官均行三跪九叩首禮興唱徹饌舉徹饌樂奏懿平之章樂作徹饌畢樂止唱送神舉送神樂奏德平之章樂作復唱行三跪九叩首禮興樂止唱捧祝帛香饌送燎執事生各捧祝帛饌香恭送燎所

奉新縣志

卷二

上

學校 學宮

天

承祭官避立拜位西旁俟過復位樂作引贊引承祭官詣燎所望燎畢復位樂止通贊唱禮畢乃各退按丁祭儀注舊志所載與頒定儀注多歧異今遵禮部則例改定

與事官康熙四十九年定同城武職俱照文職一體入廟行禮雍正五年定每歲春秋仲月上丁日正印官率領屬員照典制行禮

文廟獻官正獻知縣主之分獻教諭訓導主之

文廟執事通贊二人贊引二人讀祝一人監洗濯二人監宰一人收支祭物一人監庭燎瘞坎二人陳設一人司帛五人司爵五人司盥一人司悅一人司香燭一人瘞毛血

六人司酒胙二人

誕日雍正五年定每歲八月二十七日

至聖先師孔子誕辰恭值此日文武各官致齋一日不理刑名  
禁止屠宰

崇聖祠祀儀

時日順治二年定每歲致祭日期與文廟同

齋戒與文廟同

祝文乾隆九年頒定文曰惟王奕葉鍾祥光開聖緒盛德  
之後積久彌昌凡聲教所覃敷率循源而溯本宜肅明禋  
之典用申守土之忱茲屆仲春秋聿修祀事以先賢顏氏先

奉新縣志

卷二上

學校 學宮

三

賢曾氏先賢孔氏先賢孟孫氏配尙饗

儀注乾隆四年頒正祭日承祭官及執事人等俱集通贊  
唱執事者各司其事承祭官就位分獻官就位承祭官就  
拜位立分獻官就位立通贊唱迎神贊引生贊跪叩興承  
祭官分獻官俱行二跪六叩頭禮興通贊唱奠帛行初獻  
禮贊引生贊承祭官入殿左門贊引生贊詣

肇聖王位前承祭官詣位前立贊引生贊上香跪承祭官  
跪贊引生贊獻帛獻爵獻畢贊叩興承祭官一叩頭興贊  
引生贊次詣

裕聖王位前次詣

詒聖王位前次詣

昌聖王位前次詣

啟聖王位前奠帛獻爵如前儀畢贊引生贊詣讀祝位承祭官詣讀祝位立讀祝生至祝文案前捧祝版立於案左贊引生贊跪承祭官分獻官皆跪贊引生贊讀祝文讀祝生跪讀畢捧祝版安于案上退贊引生贊叩興承祭官分獻官俱三叩頭興贊引生贊詣

先賢顏氏位前次詣

先賢曾氏位前次詣

先賢孔氏位前次詣

奉新縣志

卷二上

學校 學宮

三

先賢孟氏位前獻帛爵俱如前儀其

兩廡分獻官獻帛爵俱照承祭官行禮畢贊引生贊復位承祭官分獻官復位立通贊唱行亞獻禮承祭官獻爵如初獻儀畢復位立通贊唱行終獻禮承祭官獻爵如亞獻儀畢復位立通贊唱飲福受胙如文廟禮一跪三叩頭畢通贊唱徹饌送神贊引生贊跪叩興承祭官分獻官俱行二跪六叩頭禮興通贊唱司帛者捧帛司祝者捧祝各詣望燎位立祝帛焚半贊引生贊禮畢各退

名宦祠鄉賢祠祭日同文廟陳設祀儀俱同小祀

忠義孝弟祠祭日同文廟陳設祀儀俱同小祀咸豐五年

被賊焚燬同治十年公費重修

祝文乾隆九年頒定文曰惟靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯莪蒿克恭念天顯之親情殷棣萼模楷咸推乎懿範綸恩特闡其幽光祠宇維隆歲時式祀用陳尊簋來格几筵

節孝祠祭日陳設祀儀俱同忠義孝弟祠咸豐五年賊燬祝文乾隆九年頒定文曰惟靈純心皎潔令德柔嘉矢志完貞全閨中之亮節竭誠致敬彰閭內之芳型茹水蘂而彌堅清操自勵奉盤匱而匪懈篤孝傳徽絲綸特沛乎殊恩祠宇昭垂於令典祇循歲祀式薦尊醪存貯書籍

奉新縣志

卷二

上

學校

學宮

三

聖諭廣訓

御纂周易折中 性理精義 朱子全書 周易述義 詩義折中 春秋直解

欽定書經傳說彙纂 詩經傳說彙纂 春秋傳說彙纂 三禮

義疏 日講四詩解義 四書文 授時通考 御製詩初集 二集 評鑑闡要

御批通鑑綱目三編 部頒明史 學政全書 文武官員相見

儀注 上司屬員接見儀注



上諭三種各一部 文廟陳設圖一冊 名教罪人書一集

御製書經一部 詩經一部 春秋一集 性理一部 樂章一集

欽定本朝四書文一部 祭祀壇廟祝文一冊

御撰綱鑑錄一部

御論講章一部 以上書籍咸豐五年被賊焚燬

弟子員額廩膳生員二十名增廣生員二十名附學生員  
舊編中學歲科兩試額進新生各一十二名雍正二年題  
准改爲大學加增三名歲科兩試額進新生各一十五名  
康熙六十一年

奉新縣志

卷二上

學校 學宮

三

恩詔直省儒學增廣學額一次 雍正二年甲辰加取七名

雍正十三年

恩詔直省儒學增廣學額一次 乾隆元年丙辰加取七名

乾隆六十年

聖駕親詣

文廟釋奠禮成直省儒學增廣學額一次 嘉慶元年丙辰加取五名

嘉慶元年

恩詔直省儒學增廣學額一次 二年丁巳加七名

嘉慶四年

恩詔直省儒學增廣學額一次 五年庚申加取七名

嘉慶二十五年

恩詔直省儒學增廣學額一次 道光元年加取七名

道光元年

恩詔直省儒學增廣學額一次 三年癸未加取七名

道光三十年

恩詔直省儒學增廣學額一次 本年加取七名

咸豐元年

恩詔直省儒學增廣學額一次 三年加取七名

咸豐七年以紳民捐輸礮船經費加永遠定額一名廣一

次學額四名十年以捐輸軍餉加永遠定額二名

奉新縣志

卷二上

學校 學宮

三

同治元年

恩詔直省儒學增廣學額一次 本年加取七名

同治三年以紳民捐餉加永遠定額四名廣一次學額三

名又以紳民捐輸團費加永遠定額三名廣一次學額三

十四名六年以捐輸團練經費廣一次學額一百四十五

名分作十次取進

武生額歲科並考仍照舊額取進十二名 每遇加額與文學同

學田 店附

明邑人胡士琇捐置奉化鄉蛟湖田租四百石離縣百里

艱於收納萬曆三十八年變價三百四十六兩有奇買負



所捐租共三十七石八斗五升戶名上官里每歲租穀學  
師收貯納稅外為歲修學宮及祭樂兩器之費十五年邑  
生員蔡濟才偕弟監生秉寬懋才應銓原名承父貢生若

桂遺命捐置奉化鄉上富田租二十五石五斗以備學宮

久遠修葺戶名蔡侑聖經理出入俱倣蔡尙才鴻才崇聖

殿田法知縣余潮記歲在己巳余承乏奉新下車祇謁

崇聖一祠朱費彫題簷宇軒敞迺揖諸生而問之知為邑

孝廉蔡君尙才兄弟所創建也余心儀其人明年以編纂

志乘延蔡君至嘗過從館局相與商確古今因籌及學宮

修葺歲費蔡君為余言其從父石臣君向有志於修葺未

逮而捐館舍今其子濟才等凜厥遺命願割食田十一畝

有零歸諸學宮俾歲有所補直以無致於圯壞余聞而躋

之未幾濟才介蔡君來謁欲請余一言以為之記余惟蔡

氏之有功於學廟久矣曩前明時學始有啟聖祠故冢宰

恭靖公之父騰光公更加營建焉歷百六十七年而蔡君

繼之以踵武其前烈今石臣父子復勤懃於斯抑何志之

深而慮之審也蔡君又為余言曰籍於學而出入仍濟才

身司之凡歲所修理一切不以煩有司其審度措置井井

有條又如此夫不忘父命恭之志也先事而圖謀之裕也

觀於此而石臣君之貽謀與濟才所以歸善於親之道皆

可見矣遂不辭而為之記俾勒諸貞石以告後之學者石

臣君名若桂歲貢生候選訓導恭靖公之族孫能詩生平

多善行濟才邑諸生秉寬懋才俱國學生瀾儒 乾隆十七

童蔡君事具余所為歲修崇聖殿碑茲不贅 乾隆十七

奉新縣志

卷二

學校 學宮

三

四十四有一年歲在丙申奉新紳士重修 聖宮誠盛舉也為首事者往來學舍因得與李生嘉閭相知

四十四有一年歲在丙申奉新紳士重修 聖宮誠盛舉也為首事者往來學舍因得與李生嘉閭相知

四十一一年監生李嘉閭捐送奉新鄉田租十石 訓導董枝 桂記乾隆

石八斗三十八年貢生胡國章捐送南鄉田東田租七石

年生員劉宣仁監生劉宣化劉紹麟捐送建康鄉田租一

石八斗三十八年貢生胡國章捐送南鄉田東田租七石

甚悉聞者揖予而言曰  
皇上御極之十二年頒各學宮祭器如古禮俎豆輝煌几筵璀璨第日久或減鮮豔之色歲加丹雘兩師臺青氈水署頗費經營生幼奉庭訓株守一經雖修名勿及檢身未遑而

於大聖人時賡高山之什敬奉田租為修祭器費以寄景仰之意師臺其許否乎予深嘉之欽惟

聖天子重道隆師於各學宮之制有加無已此邦人士循覽廟宇慮其漫漶一舉而新之所以妥

至聖之靈者不為不至獨祭器一項殊未完備且多朽蠹每遇春秋釋奠不無因陋就簡誠不足與數仞宮牆交相輝映

久欲與首事諸公籌畫修整以貲不給而遂止今生仰體欽頌之至意肅重

至聖之明禮既勳修宮廟復願捐田畝為修祭器計不啻如余舍舊圖新亦將煥然改觀矣且生性剛直讀書頗識大義

修橋平路恆多義舉而此一事尤足以徵嚮往之誠語曰沃枝葉不如培根本李生其可謂知所務者歟余既嘉其行因樂得而為之記田在縣西十餘里奉新鄉土名大栗樹下坪上為坵三計租十石例得附書

奉新縣志

卷二上

學校 學宮

美

四十七年熊三壽捐送建康鄉田租三石邑耆民廖為睿

捐送縣市石橋圍田租八石五斗監生解紹綸捐送建康

鄉田租十石五斗職員鄒隆先捐送同安鄉田租八石監

生徐世顯捐送奉新鄉田租八石監生嚴有性捐送進城

鄉田租八石七斗監生余元相捐送奉新鄉田租六石四

斗監生潘澄潘源兄弟捐送建康鄉田租三十二石職員

廖廉捐送田租十石四十八年監生宋之郊捐送新興鄉

會埠中街店屋一所四十九年監生張三仕同弟錫綱錫

亨錫省捐送新興鄉田租十二石五十三年職員劉學煌

同弟監生近仁姪監生濟川捐送同安鄉田租三十五石

六斗五十七年生員宋潢捐送宋埠真君殿側坐西朝東  
店屋一間及後斥屋并基地一片六十年法城鄉武生甘本  
輝同弟本煌本煜本燿捐送漸里田租二十石縣市廩生  
廖爲淞同弟貢生爲楸生員爲榿遵父監生謨命捐送奉  
新鄉田租七石又遵母劉氏遺命捐送奉新鄉田租六石  
二斗五升廖宏恩宏開兄弟捐送奉化鄉土名業家嶺杉  
木茶山一嶂嘉慶元年監生彭獻琨捐送新興鄉招賓圍  
田租此田據案移後副貢洪達捐送北鄉鎮石圍龍坑田  
租八石五斗徐錫卓遵母劉氏遺命捐送奉新鄉城子腦  
田租三石余席珍捐送田租八石十三年陳允勝捐送建  
康鄉盧家陂田租五石五斗又房屋一間竹山一塊十五  
年同安鄉監生徐愛棠遵父邦穀遺命捐送北鄉土名朱  
坊田租三十石道光二年職員陳世瑜偕弟監生世珂捐  
送奉新鄉莽坳田租二十四石黃百福捐送進城鄉土名  
澡里楊家山和尙腦茶山一半三年職員廖經綸捐送新  
興鄉勘頭腦子上田租八石監生趙蘊和遵父職員廷蘭  
遺命捐送建康鄉六岡北岸田租七石廩生熊鳴鳳監生  
鳴鳳遵父監生宗瀚遺言捐送新安鄉山里橫頭里田租  
五石七斗五升監生熊履泰童生應龍遵父監生宗灝遺  
言捐送建康新安二鄉田租十一石同安鄉縣丞李崇藩

奉新縣志

卷二上

學校 學宮

三

捐送本鄉土名碓嘴頭田租二十石監生廖炅祥遵父職  
員七灝命捐送奉新鄉西冲里旱壠口田租三石五斗監  
生廖廷輝童生基昫承祖學聰命捐送同安鄉田租四石  
五斗職員劉世臣遵父遺命捐送法城鄉南分瑕晚田租  
十一石又捐送入歲修戶內晚田坐落奉新鄉黃城土名  
屋場裡租三石二斗涂家側租二石六斗生員劉校書職  
員閣書童生懋和捐送同安鄉聶家壠中瑕晚田租五石  
七斗五升道光十九年監生廖守汾捐送奉新鄉石埠田  
租六石又建康鄉青湖田租二石爲春秋執事之費同治  
五年從九劉於道妻鄧氏遵本生翁遺命捐送法城鄉村  
坪土名橫大路義隆坑二處晚田租二十五石五斗五升  
大以助歲修之費

奉新縣志

卷二上

學校 學宮

三

崇聖殿田乾隆十五年邑舉人蔡尙才偕弟貢生鴻才於  
十年同捐創崇聖殿尊經閣復捐貲同置縣市北關外田  
租二十五石以備久遠修葺戶名蔡崇尊建倉廩於殿之  
頭門右輔每歲納稅徵租躬爲料理呈縣給發鈐縫印簿  
出入存留按簿可稽絕旁侵節浮費將饒餘所積凡修葺  
一切取之裕如嗣於乾隆二十九年具呈移儒學管理存

立案據

知縣余潮記奉新縣學宮明倫堂左有崇聖殿祀  
五王配從如禮後傑閣藏貯

欽頒經籍榜曰尊經規模閎敞垣墉緻密煌煌翼翼整肅喬麗  
視他郡邑制度特備乙丑歲邑孝廉蔡君尙才偕同懷弟

命宰明經鴻才捐貲四千餘金所鼎建也閱五年余奉

甚悉明年春蔡君更置附城腴田二十畝歲收其租為修

世宗憲皇帝御極之初

詔追封孔子五代王號所在立祠有司春秋釋奠始尊經閣前代

天子命儒臣修輯經史性理諸書頌諸費序始蔡君昆季能起

肩其任良足多也蔡君積學修行脩然特立歲己酉應聘

吾省分校闈事予邑人劉傳敷龍思騰出其門下為予言

蔡君品甚高道貌岸然淵淵淳淳叩之莫測其藏予心企

久之以不獲捧袂為悵茲適來蔡君里思晉接有日矣顧

閱半載履聲聞寂詢諸鄉先生益悉蔡君樂善自高敦修

家政遠塵市謁長吏若浼兼述其居鄉善行娓娓勿倦尤

輕仕宦任玉山學博輒棄去榜期徵選復不就深山著述

哀集是娛蔡君之品誠高傳數輩真不我欺也庚午暮春

予方有事於邑乘厯聘纂修諸君子交推蔡君昆季予折

簡專迓始一至宰庭言論風裁樸誠愷摯相得恨晚於是

分任志局炳炳琅琅遂成巨觀蔡君為予來人謂空谷足

音云蔡君非好名者方其初竣是役前侯陳君將白當軸

奉新縣志

卷二上 學校 學宮

三

以其事聞於

朝援例請叙蔡君既力辭今茲之舉特蔡君緒餘也予故述

交誼與其生平梗概而為之記至于田畝租數經理方條

別具于簿書茲不書

魁樓田先是邑生員陳坦於雍正十二年捐創魁樓十餘

年內遞加修飾如新後病革囑其子監生鍾競生員鍾牲

捐田備修為久遠計乾隆十五年競牲承父遺命捐置建

康鄉田租二十石零七斗戶名陳鼎魁倉廩與蔡倉並建

於崇聖殿之頭門今查兩處倉廩俱廢無存魁樓咸豐五

年被賊焚燬知縣余潮記奉新學宮舊有魁星樓邑明經

於斯未及為焉而卒瀕終語明經曰汝必成吾志明經唯

唯謹受命及明經為樓既成思所以經理之俾永久者未

及為而明經卒瀕終語其嗣子曰汝必成吾志嗣子唯唯

謹受命於是陳氏之經營是樓蓋三世矣方余之來蒞茲



士也祇謁學宮載登是樓慨然慕明經之爲人以及見  
爲恨未幾其嗣子國學鍾競諸生鍾姓來謁備述其祖若  
父所以爲是樓者因請割食田十畝零歸諸學宮俾修葺  
歲有所出庶幾永遠無壞以承其先人之遺命也余聞之  
肅然起敬曰嗟夫若陳氏之所爲是殆可風矣孝子之於  
親也有命必籍記而佩之及時而早行之其有或遺焉者  
鮮矣父母歿將爲善思貽父母令名必果其有勿亟焉者  
鮮矣今陳氏之拳拳於是樓闕三世歷數十年之久其子  
若孫守其先澤如圖球大訓恭敬奉持而不敢失何其賢  
也奉新之士際賓興之會祀魁祖席顧瞻是樓歷久彌新  
而知陳氏之祇承先志者如是將孝弟之心油然而生於  
以革薄俗而返淳風固無難也爰因兩生之請爲記其崖  
略樹之貞石使後之人有所觀感焉樓之規制具前令趙  
君記今茲不書

文昌魁星土地各神香燈田嘉慶元年監生彭獻琨捐送  
新興鄉招賓圍鄒家門前及上中下烏老鴉等處田租二  
十三石另立文光戶歸儒學經營存立案據

奉新縣志

卷二上

學校 學宮

學

附

惜字鑪在魁樓前嘉慶二年廩生廖爲淞建又捐奉新鄉  
涂坊及長水里田租十一石四斗邑紳陳鍾炅甘定遷等  
捐置奉新鄉費頭涂坊田租十九石五斗咸豐五年被賊  
拆毀

新節烈祠

羅鳴岐捐遐富祠堂前橋子頭租五石二斗

崇聖祠忠義孝弟祠新節烈祠新改建節烈祠明倫堂同  
治十年公費重修

附考文廟歷代崇祀及配享從祀始末

孔子之祀自魯哀公十七年立廟孔子舊宅始漢高帝十  
二年過魯以太牢祀孔子平帝元年追諡孔子為襄成宣  
尼公明帝永平二年以周公孔子並祀於郡縣學魏晉六  
朝或封公或封侯或祭於辟雍唐貞觀初始停周公祀專  
祀孔子定孔子為先聖顏子為先師令天下立廟四時致  
祭然武成王廟與文廟東西並峙猶未盡尊崇之義開元  
二十七元封孔子為文宣王宋大中祥符五年加稱至聖  
元至大元年加號大成至聖文宣王明洪武二十年罷武  
成王廟嘉靖九年改文宣王曰至聖先師孔子  
國朝順治二年加稱大成至聖先師孔子通省各學其文廟之立或  
諡號為至聖先師孔子通省各學其文廟之立或  
則宋崇甯四年也改大成殿為文廟殿和元年也殿名大成  
學通撒像易木主亦明嘉靖九年也洪武十五年之易木  
主僅國子監耳自漢迄元皆塑像也加冕旒桓圭自宋大  
中祥符元年始其後徽宗加十二旒服九章執鎮圭自宋  
宗又加六章焉祀孔子以六代之樂則自漢元和二年始  
也其配享以顏子自魏正始二年始以曾子自唐總章元

奉新縣志

卷二

學校

學宮

聖

年始以孟子自宋元豐元年始以子思從祀自宋大觀二  
年始以顏曾思孟並享自宋咸淳三年始加復聖宗聖述  
聖亞聖並稱公元至順二年也去公稱子亦明嘉靖九年  
也以十哲從祀自唐開元八年始也升子張補十哲亦宋  
咸淳三年也弟子之得自追贈自唐總章元年始封公侯  
伯則始於唐開元二十七年及宋大中祥符三年咸淳三  
年也去公侯伯之封止稱先賢先儒亦明嘉靖九年也其  
從祀自唐以前皆弟子貞觀二十一年增左邱明卜子夏  
公羊高穀梁赤伏勝高堂生戴聖毛萇孔安國劉向鄭眾  
杜子春馬融盧植鄭康成服虔賈逵何休王肅王弼杜預  
范甯二十二入宋元豐六年增荀况揚雄韓愈崇甯三年  
增王安石淳祐元年黜王安石增周張二程朱五子景定  
二年增張栻呂祖謙咸淳三年增邵雍司馬光皇慶二年  
增許衡明洪武二年增胡安國蔡沈真德秀八年增楊時宏治  
吳澄正統二年增嘉靖九年黜公伯寮秦冉顏何申棖荀况戴  
聖劉向賈逵馬融何休王肅王弼杜預十三人改祀濂瑗  
林放鄭康成鄭眾盧植服虔范甯七人於其鄉增后蒼王  
通歐陽修胡瑗陸九淵隆慶九年增薛瑄萬曆十二年增  
王守仁陳獻章胡居仁四十二年增羅從彥李侗

國朝康熙五十一年升朱子於東哲末位五十四年增范仲淹雍正二年復還瑗林放秦冉顏何鄭康成范甯六人增縣置牧皮樂正克公都子萬章公孫丑諸葛亮尹焯魏了翁黃幹陳淳何基王柏趙復金履祥許謙陳澧羅欽順蔡清陸隴其二十人乾隆三年升有子於東哲末位改朱子於西哲末位復吳澄祀由邑尚書甘汝來請也道光二年增劉宗周湯斌六年增陸贄呂坤黃道周八年增孫奇逢二十三年增韓琦三年增公明儀七年增公孫僑九年增陸綱二年增曹端同治二年增毛亨方孝孺呂柟七年增袁燮並釐正東西位次聖父叔梁公宋封公元封王明嘉靖九年令天下學校通建啟聖祠以顏無繇曾點孔鯉孟孫激配享宋周輔成程珦朱松蔡元定從祀

奉新縣志

卷二


學校 學宮

聖

國朝雍正元年加封先聖五代為王改稱崇聖祠二年以張迪從祀至儒學之得建先賢祠左祀賢牧右祀鄉賢春秋附祭則自洪武元年始後令分祀改稱名宦鄉賢祠則成化中特典也其文廟祭期之定於春秋二仲自唐開元二

焉

保元年始貢土釋褐謁廟自唐開元二月朔行香自北齊天



書院

馮川書院乾隆五年邑職監徐元勳開學宮西地捐創院屋三重樓房三十有二饌房四後圯四十八年知縣剛柱修五十七年知縣趙增捐俸大加修葺嘉慶二十三年署

知縣吳名鳳捐廉重修咸豐五年被賊焚燬知縣趙知希記馮川書院

在籍州司馬徐君元勳之所創建也其地舊為射圃實與學宮毗連而居是固借士子比禮比樂於斯者也明季廢為學倉再廢為便民漕倉每歲徵輸屆期鄉之民彙載而肩負者趾相錯操量而唱籌者聲相連月乃已一日徐君肅衣冠陳詞願即其地擬建書院而移倉於在官閱曠之地於是余令新吳凡七年矣聞之矍然興忻然喜曰有是哉君之為斯請也乃令所時囑蹙不安思兩全而未有當者也亟具牒請諸上憲咸報允徐君乃先出已財為諸鄉移倉於南昌分司之廢址誡日庀材飭工為正堂三間後堂七間兩廊號舍十二間儀門五間頭門坊一間發以

奉新縣志

卷二

學校書院

書院

白石繞以崇垣經始於乾隆五年正月告竣於本年十一月費白銀三千有奇又慮將來師生廩給更需眾力仗助於是又割已田三十二畝以為之倡余時偕同僚暨邑之指紳人士周覽而落成之徐君洵賢矣哉生平所嚮之端行誼之美於茲並可概見矣諸君曰然遂書以為之記

書院田乾隆五年邑職監徐元勳捐創書院時呈請各憲報可并諭以延師館士之費遂於工竣日捐置建康鄉田租五十二石以資膏火并備修葺是年知縣趙知希捐置新墾田租十二石合邑紳士公出樂助銀買新安鄉磐山田租九石同安鄉上莊里田租三十一石六斗又七十七石一斗六升邑紳士續買奉新鄉埔馬下首田租十二石新安鄉板下及柏樹下田十一石十二年邑紳士復買老

虎坑田租三石凡樂助銀所買者共租一百四十三石七斗其姓名銀數鐫列石碑五兩以上者別載於後十四年邑監生嚴盛旭捐奉新鄉赤岸圍田租十石十五年邑候選中書帥家駒偕弟舉人家駿捐新興鄉張坊田租五十石六斗邑貢生彭肇祚捐進城鄉羅坊圍田租十二石五斗生員余錯生偕姪貢生光祖承父生員以寬遺命捐田租十四石七斗生員胡藻承父吏員朝宗遺命捐龍見圍雄馬下墩田租十石監生徐讓捐奉新鄉九梓峯田租九石一斗職監涂錫盛捐進城鄉楊坊田租八石五斗監生彭智祚捐奉新鄉九梓峯田租八石監生鄒煥承父介賓汝作遺命捐建康鄉田租十二石一斗四升前加租五石五斗今收租十七石六斗四升吏員余大茂捐從善鄉田租八石三斗吏員熊汝璉捐北鄉田租二十石介賓陳士瑀捐建康鄉田租十五石二斗介賓喻一璠捐新安鄉田租十四石介賓余學銓捐同安鄉余家坊田租十三石邑耆熊三思捐北鄉羅塢圍田租十八石七斗五升邑耆洪州仰捐北鄉田租九石五斗吏員彭仕妻張氏捐奉化鄉定興村田租十二石五斗以上所捐田租共二百四十六石七斗九升知縣余潮書院田租記奉新義學創自乾隆五年為邑紳徐元勳之所鼎建並捐田三十二畝為之倡久擱未興歲己巳沈侯均安來攝縣篆慮其湮也括租入之餘積置什器召生徒請進士張君星景主講席始聞

誦讀聲未匝月而余適承乏茲土吏執冊啟曰費勿繼矣  
躊躇久之偶於讀法之餘咨於眾中翰帥君家駒慨然曰  
為父母者將取我子弟而教育之家督與有責焉借其弟  
孝廉家駿割膏腴二十四畝零計租五十石六斗贊厥休  
美於是明經彭肇祚等各捐助多寡有差一時競勸志合  
意孚合前租歲入得二百石有奇除正供及束修外計可  
食若干人予因得詳定章程乾隆二十一年廖開聖捐南  
垂之承久因援筆而壽諸石

湖上場田租二石五斗三十九年龔灃捐黃湖畔過壠坵  
田租二石二斗五升四十年洪達捐北鄉田租十石二斗

乾隆年間羅秉祈捐進城鄉藍村外圍田租八石其後裔  
復捐田租七石四十三年邑紳等添置田租一百八十八

石五斗六十年試用訓導廖為淞貢生廖為楸生員廖為

棟遵父監生謨遺命捐奉新鄉大坊圍土名坳子上圍下

奉新縣志

卷二

學校 書院

畧

壠早晚田租五石五斗貢生彭煥捐法城鄉田租二石五

斗職員廖桐川捐同安鄉田租二十一石生員余丙方捐

從善鄉良石墩田租三石五斗

知縣甯有誠添置義學田租記欽惟

國家人道化成文治炳煥近復特頒上諭於熱河各廳創建義學廣增庠額所以勵士氣而崇教養

者至優且渥况江西素為文獻之邦而奉邑尤多瑰偉之  
彥詩禮相傳甲第濟美良由敬業樂羣淵源有本以故蔚  
為東南之望此予在都門所耳熟而心慕者也自入境以  
來兢兢以興學育才為務竊愧懷抱迂疎未能振作邇因  
督課馮川書院諸生並措置俸薪事宜按籍以稽賦入殊  
寡雖昔之捐田者亦不乏人而越時既久滄海易觀徵輸  
莫給向來承辦者皆形拮据計非添置學田無以紹前修  
而貽後緒范文正家塾歸然落成多士實賴租稅豐美得  
垂永圖奉多君子知必有抱先憂後樂之志者抗懷追美  
適有存公田畝實收租一百八十餘石頗為善產估值千  
金集腋成裘不難購買乃余方捐薄俸不旋踵而畢集雖  
多寡微有不同而樂善急公之心固無以異也奉邑紳士

向捐學租三百二石零店租三十二兩八錢今合邑紳士  
共捐庫平紋銀九百四十餘兩新置田一百三十二畝七  
分四釐五毫二絲計租一百八十八石五斗共計歲入田  
租店租可二百八十餘兩於是膏火有資絃誦益廣匪獨  
後之踵其事者可免拮据而邑有好善庠序蔚興其仰副  
我

皇上養士作人之雅化以成就夫後學者豈淺鮮也哉余樂斯  
事之成恐其久而或替也爰將捐助之姓氏數目並新置  
田之坐落土名號數畝數悉勒諸石以垂永久雖亦不沒  
奉邑諸君子襄助之善而望諸生肄業於其中共體成就  
之至意勵行通經互相鼓舞以底有成者更殷殷然未有  
已繼謀以善後欲將田租歸入書院公舉紳士董其成以  
收實益以垂永久計至善也惜予憂去未能詳請是又賴  
後之諸君子斟酌盡善細定章程庶越時雖久而永無滄  
海易觀之患也於是乎記

書院新舊田租戶名義學契券存縣房建倉廩於義學內

每歲租穀徵收則委佐貳出納則選在學生徒縣給鈐縫

奉新縣志

卷二上

學校 書院

吳

印簿出入埃注歲終呈縣查核供輸賦稅外掌教館穀生

徒月廩及學中置辦修理諸費咸取給焉外有歸德鄉藍

處坐落奉化鄉大塌里歲交租銀一兩二錢又有乾隆某  
年奉斷官山在進城鄉巴源圍歲收山賃錢一千二百文  
奉斷官田在奉化鄉福神壩歲徵租五斗俱付佐貳經管  
贍學

書院購書籍田乾隆十五年逸士洪州相捐送藏書山堂

肆考昭明文選唐詩貫珠宋詩鈔各一部又捐建康鄉田

租十五石為歲購書籍之費徵租納稅與義學膏火田同

付佐貳經管知縣余潮記奉新為豫章屬邑由宋以來人

萬卷廣延四方學者意其流風所被足以振起之耶庚午  
之秋余奉

簡命來蒞是邑先是縣學西有馮川書院前令沈君均安初經  
理之而未備余下車踵而行之賴邑士大夫好義急公捐

輸絡繹一切規制次第咸舉惟是經籍未具方思所以措  
理之一日諸生洪子學源來謁因言其父逸士州相願以  
其家藏書數部歸之書院並割食田十畝二分以為歲歲  
購書之費余聞而避之生又為余言其尊人好讀書不樂  
仕進推財仗義嘗構挹蘭書屋藏書數千卷以訓課其族  
人奉新固多高士斯豈仲堯之流亞耶生請予文因牽連  
書之以為記

書院店在米倉前乾隆十五年建其收賃贍學並付佐貳

經管知縣余潮記予涖任祇謁文廟隱隱聞伊唔聲出牆

相令造土地蓋創之已十年而興之僅匝月也先是趙侯

嘗設募捐籍置田為開館費隨俱以遷秩去不果行舊夏

沈侯均安以安義二尹來署篆延師校士銳然以興學為

己任而昔之募捐田歲所徵租已耗沒不可稽稍核其存

者為設几榻給薪膳不轉瞬而告匱矣予之涖奉也甫下

車官與民不相習遽欲以所難者強人以必從心滋怒焉

顧邑之好義士咸安予之拙若有陰誘其衷者慷慨捐輸

奉新縣志

卷二

學校書院

聖

不惜膏腴先後捐置既各詳於籍蔡李兩姓復以米倉前  
基地虛曠置店屋歲權其賃以贍學視置田費簡而事便  
於是同創磚屋前後四間以繼之鳩工庀材一時並作始於仲  
夏訖於孟秋闋三月而昔之虛曠地儼然列肆而居積焉  
工既竣予顧而樂之於其中亦架數椽為米倉司啟閉蓋  
不惟義學之取贍有資而倉厥重地亦用以謹防衛也蔡  
李上鄉宋下鄉俱為邑望族徐君成業恢拓有才局其婦  
翁彭仕修青雲樓經理學畫皆出其手趙侯知希稱其敬  
慎周詳見青雲樓記熊君汝璉勇於為善老而彌篤族無  
祖廟捐干餘金創建之又捐葺家乘及修理橋路施棺槨無  
所費無算見方伯公帥念祖序鄉君應播英才煥發而性  
慈和樂解推嘗過臨江見有以急自溺者盡解囊金與之  
後因於旅次鬻行李以歸無愧色其生平好施類如此見  
孝廉蔡尚才序徐生江見義必為克勤盛舉鄧二庚以齊  
民而屬意造土地均有足多者法當並書

嘉慶二十三年邑紳等稟縣查核已上各鄉所捐田租坐



落土名號畝租數至道光元年額定徵租實數併山店賃  
錢列後平桶早租一百七十五石八斗六升平桶晚租一  
百七十一石五斗九升大桶晚租一百五十三石三斗通  
共早晚大桶平桶租穀五百石零七斗五升又書院店賃  
錢九十千零四百文山稅錢九百六十文俱付縣收管以  
贍生徒膏火道光二十二年監生陳善捐奉新鄉均子上  
早田租一石三斗五升楊樹壠晚田租三石三斗雞翅關  
早田租二石六斗五升黃毛山下早田租一石瑤塘里造  
子里早田租一石五斗官村坪坑上早田租五斗五升計  
八斗桶租共拾石零三斗五升

奉新縣志

卷二

學校 書院

哭

岐峰書院在二何書院西道光三年知縣鄒山立捐建並  
重修二何先生講堂自爲記

鄒山立記岐山之側馮水之濱古木參差修篁掩映中有數椽顏曰講堂蓋昔賢令二何先生遺跡也其地環山帶河風清景麗城閣如虹逶迤河北奇峰似筆對峙隄南余風塵下吏承乏於茲有年矣每嘗登臨於斯覽其風景人物弔先賢之偉烈以時憇兩碑之旁輒低徊弗忍去欲求神主蓋不可復覩矣夫先賢有盛蹟而棲息不求其安非所以妥靈爽也後起有英才而藏修未得其地非所以廣陶成也予蓄此念久之今得卜吉鳩工因廢址而增崇之仍顏曰二何先生講堂從其舊也即於其旁新構堂宇院落發以磚石繚以崇垣橫舍數十間以助膏火者絡繹不絕於戲盛矣且夫新吳本人材淵藪之地科甲蟬聯甲於諸邑而皆自馮川書院毓之第其所定規條諸生額以十童生額以二十不免格於成數未能萃一邑之人材而陶鑄之也則是書院之建以之補馮川所未逮豈無裨哉顧士尤貴自立耳美其材則爲王國之楨立其志則裕大人之道勿以聲華相慕悅則學愈淳勿以酒食相徵逐則功

愈篤異日者余簿書之暇得與都人士講明而切究之使  
之束身名教爭自濯磨以庶幾三代盛時之人材是則余  
之所為暢然而滿志者也乃所願其不在是乎其不在是  
乎或有告予者曰書院之建累數千金若勸邑人而共輸  
之庶眾擊易舉余曰新吳士大夫勇於義者多矣志乘所  
編已合十三鄉而成之此外自城樓迺瀾埕以迄東嶽廟  
或一人獨建或一姓兩姓合建或二十餘人并力共建好  
義之舉頻矣是役也唯余任之毋再以累邑人也董其事  
者時則公舉鄧子兆椿徐子光旭徐子良淮鄧生敏修賴  
生作梅廖生養恬張生映南趙生殿甲功於是而告成則  
余事竟余願畢而余之所期望於後賢者為無窮矣迺邑  
之諸君子欲歸美於余合詞亟請上官冀以余名廁二何  
先生後而顏其額是誠叢余咎而增余汗頰也豈余興復  
之心哉唯是二何之額已仍其舊而此書院之名何妨別  
取其新因其地近岐峰即岐峰書院額之云向治初署知縣劉士清捐廉修葺

岐峰書院田道光三年四年貢生鄧觀瀾之子自楷孫監

生林春捐從善鄉流古壠及奉新鄉東邊山等處共田租

奉新縣志

卷二上

學校 書院

巽

五十石職員洪喬齡遵父州同彥濱命捐建康鄉老圍裡

田租四十七石三斗徐廷敬遵父監生兆泰遺命處田租

二十石又南鄉滕家邊田租七石職員鄧兆桂遵父從命

捐法城鄉書院前等處田租二十四石九斗六升平職員

喻志經遵父命捐新安鄉黃家門前田租二十三石二斗

五升職員徐光旭捐建康鄉清湖等處田租二十三石職

員洪澍舉人必耀監生德謨德謙德言遵祖達命捐北鄉

田租十四石又洪澍必耀等遵父定選命捐建康鄉田租

八石職員劉世臣遵父見龍命捐奉新鄉早禾塍及法城

鄉水露坡田租二十三石二斗監生甘本遷遵父立宣命

捐南鄉滕家邊田租八石又奉新鄉從善鄉田租十二石  
鄧有文遵父贊元命捐奉新鄉洲子上田租十九石優附  
生鄧繼夔遵父祖隅命捐奉新鄉塔子前等處田租九石  
二斗五升大又捐新安鄉榮碑田租九石五斗六升平監  
生陳爲鵬童生陳茵捐從善鄉流古壠等處早租一十五  
石監生張巨川遵父秦爵命捐建康鄉及余家坊等處田  
租十五石監生熊履泰等捐奉新鄉鄭坑口及新安鄉曲  
湖田租十六石職員廖爲軫同姪孫守樾遵父斯亮命捐  
新興鄉橫江里等處田租一十一石八斗大熊承壽捐縣  
市鄉田租一十五石五斗監生余文淑捐建康鄉余家坊  
等處田租六石監生陳盛林捐同安鄉郭家壠等處田租  
十二石鄉飲胡訓祿遵父秀榮母鄒氏命捐奉新鄉田租  
十三石三斗五升甘阿趙同孫本烈捐奉新鄉太婆坵等  
處田租十石二斗五升監生周雲瑞遵父成章命捐奉新  
鄉黃城田租十二石二斗監生徐日詢遵父國故命捐新  
安鄉羅埠田租十二石武生呂美珂遵祖敘倫命捐新安  
鄉礫溪田租十一石貢生鄧兆鰲捐奉新鄉官村田租十  
石五斗職員劉七德遵祖三虎命捐奉新鄉大畝里等處田租  
九石監生鄧裕捐建康鄉青湖等處田租十二石廩生賴  
作楫遵父日瑜命捐奉新鄉洲子上田租九石七斗二升

徐阿鄧遵姑宋氏命捐奉新鄉杉山里田租十石李恆修  
遵父命捐法城鄉土名答蘿坵上分晚租九石平童生李  
如煥遵父詠春命捐新興鄉田租十石方譜孫捐奉新鄉  
上雄馬田租十二石職員鄒經元捐建康鄉青湖田租四  
石又法城鄉駱家墩田租三石四斗熊以仁遵父魁士命  
捐奉新鄉烏龜壠田租八石七斗五升監生帥廷政等遵  
父旂命捐南鄉西湖中瑕田租八石五斗監生詹光麟捐  
法城鄉田租八石五斗生員許映奎遵父益齋命捐奉新  
鄉洲子上田租八石六斗趙河清遵父逢源命捐新興鄉  
張坊早晚租八石九斗大職員舒展綸遵父德和命捐建

奉新縣志

卷二上

學校 書院

五

康鄉板橋田租六石封職熊鳴臯捐奉新鄉

河泉塘田四畝七分又鄧

家壠田租四石職員賴作新遵父日珍命捐奉新鄉石埠里田租

七石職員章士信捐奉新鄉楓樹壠田租七石平生員諶

芬遵父廷英命捐奉新鄉場冲田租七石五斗一升監生

李春華遵父仕晃命捐奉新鄉方坑里田租七石監生韓

金誥遵父立權命捐奉新鄉火田圍田租五石遵叔立樟

命捐奉新鄉火田圍田租四石四斗韓敬愛堂捐奉新鄉

火田圍田租七石李崇敬堂捐奉新鄉火田圍田租七石

一斗貢生周道捐奉新鄉田租七石八斗諶慶孚遵父佩

德命捐北鄉藕塘里田租八石甘本烈遵父立道命捐法

城鄉車吟田租四石五斗又遵母王氏命捐法城鄉車吟  
田租五石二斗五升又遵伯立達命捐法城鄉車吟田租  
四石五斗監生查德樹遵祖命捐法城鄉田租七石封職  
李坤文指南關外土名上巷田租七石八斗職員鍾應材  
捐南關外土名上巷田租七石四斗陳鍾廷陳金生捐建  
康鄉周家門前田租六石五斗監生廖廷輝童生廖基昀  
遵父武舉人守昌命捐同安鄉及奉新鄉田租六石監生  
廖昺祥遵父七灝命捐奉新鄉葛岙里等處田租六石九  
斗監生廖日華捐奉新鄉洲子上田租六石四斗劉煥彩  
遵父定祖命捐法城鄉張仙坑田租六石二斗五升劉開  
賢遵父定光命捐法城鄉富家嘴田租五石二斗五升職  
員羅克珊遵祖繼鄴父星曜命捐進城鄉東港橋田租六  
石封職黎佐翰捐南關外上巷田租五石八斗封職張瑞  
祥捐南關外上巷田租六石生員劉有琦同姪鉞遵父煒  
命捐法城鄉田租六石吳院柏捐建康鄉閔家坊田租五  
石二斗職員賴作楷遵父日瑞命捐巷口里易家壠田租  
五石張崙遵父命捐建康鄉余家坊田租二石四斗又捐  
同安鄉葉家壠田租二石六斗生員廖熊飛遵父麟書命  
捐同安鄉田租五石五斗生員趙升華遵父士典命捐奉  
新鄉箬溪田租五石一斗五升監生李炳文遵父廷華命

捐奉新鄉火田圍田租六石二斗五升甘本義本禮遵父  
立珏命捐南鄉鐵沙崗田租五石王槐廷遵父惠治命捐  
奉新鄉下龍田租五石帥宏禮捐巷口里田租四石生員  
張星臨遵母周氏命捐建康鄉屋場里田租四石六斗監  
生鄒揚昌捐同安鄉後寸坑田租四石李榮遵父孔瑞命  
捐奉新鄉塔壩李下港田租四石二斗五升帥學恩遵父  
楠命捐奉新鄉田租四石監生賴作哲遵父日珊命捐奉  
新鄉洲子上田租四石五斗諶文蔚遵伯芳命捐奉新鄉  
簇岡圍田租四石四斗藍敬睦堂捐奉新鄉火田圍田租  
四石二斗八升監生廖景雲遵父逢源命捐奉新鄉赤墘  
里田租四石張阿涂遵夫錫海命捐新興鄉青樹田租四  
石大州同吳錫福捐南關外土名上巷黃家園田租四石  
二斗封職藍如玉捐南關外上巷田租四石童生羅允蠡  
遵父克岱命捐進城鄉田租四石一斗大職員羅興箏捐  
進城鄉田租三石九斗大職員徐良淮捐奉新鄉塔冲田  
租三石監生徐良柱遵父道御命捐奉新鄉塔冲田租三  
石劉炳蘭遵祖斯榮命捐奉新鄉社尾坑田租三石劉懋  
和遵父監生紹書命捐奉新鄉大楊坵田租三石生員諶  
芬遵祖朝棟命捐奉新鄉場冲簇岡圍田租二石九斗生  
員高翔仍遵曾祖克受命捐北鄉義坊田租三石五斗廖

守紱遵父世瑛命捐北鄉十字路田租三石張金聲捐同  
安鄉占家貼田租一石二斗藍日莊捐奉新鄉火田圍田  
租二石七斗生員徐日謀遵祖季成命捐新安鄉羅埠田  
租一石五斗甘阿趙代母廖氏捐法城鄉茶頭田租三石  
八斗五升生員甘立銘遵母楊氏命捐法城鄉下溪田租  
二石五斗廖爲楷捐新興鄉田租二石二斗五升大監生  
曹琮圃捐祖文隆置買南鄉泉井坵田租二石程其泗捐  
同安鄉圳口里田租三石歸德鄉衆捐奉新鄉溫家邊等  
處田租三十石閔昭紱捐奉新鄉湖鄉馬尾腦田租十五  
石陳聲泰遵父紀珠命捐奉新鄉樟樹下等處田租三石  
二斗五升監生廖贊襄遵父貢生樹勳命捐建康鄉橋南  
圍田租九石又遵母舒氏命捐建康鄉橋南圍田租五石  
監生廖松齡遵父貢生焜母鄧氏命捐新安鄉棗木橋及  
建康鄉烏藍里田租十三石二斗五升包敏齋捐法城鄉  
熊姓廟前下首田租三石黃聖兆捐法城鄉泥湖里田租  
四石包技軒捐法城鄉港子背及熊姓門前田租五石韓  
韞沐捐法城鄉熊姓廟前田租四石五斗劉阿帥捐法城  
鄉巖公坑田租六石二斗五升宋岐華遵父光普命捐奉  
新鄉望亭坵田租五石監生鄧勳遵父清傑命捐南鄉章  
家坊鵝頸裏等處田租四石職員萬經建遵父沐芙命捐

同安鄉樾榔橋店前張家站山背及門前等處田租四石  
李天爵遵父乾文命捐新興鄉黃絲坑及釧山坵田租二  
十一石五斗監生劉成柱遵父州同劉學煜命捐法城鄉  
蠡林橋田租九石六斗大徐奏鏞遵祖監生錫銘遺命捐  
送奉新鄉族崗頭黃畔等處晚租十一石二斗五升  
續送馮川岐峰兩書院田租及捐費

同治八年知縣呂懋先捐廉一百五十餘千文封職鄧祖  
猷同弟職員祖鞭遵父封職維城遺命捐銀百兩及華林  
胡姓贖回山價八十千文修理馮川書院糧米倉前店屋  
十間九年藍翎雙月同知鄒秉權遵母鄧宜人命捐同安

奉新縣志

卷二

學校 書院

藝

鄉嶺北圍黃塘胡姓地方土名下子山貼早田租二石五  
斗南邊貼早田租一石五斗壇背後早田租三石眞君廟  
下早田租三石五斗嘴子岡早田租三石冷井里晚田租  
九石南邊塹下晚田租八石五斗豬頭山早田租一石五  
斗嘴子岡早田租三石塹板上早田租一石眞君廟下晚  
田租十一石五斗青泥坑早田租五石計八斗桶共早晚  
租五十三石五品封職譚召棠遵父封職光輝遺命捐新  
興鄉厚城圍土名百畝里琵琶嘴鐵壩坑及畊香門前等  
處早晚田租共計叁拾玖石大

社學成化七年知縣謝煥始建社學正廳三間門樓一座



在縣西昭德觀之左射圃之右後廢嘉靖間知縣陳仲錄復創二所一在上坊顏曰崇正社學一在下坊顏曰崇德社學今皆廢下坊社學在府館之前基址尙存上坊者失其地舊志載社學六所今皆不可考

梧桐書院在進城鄉羅坊鎮南唐時中庸誠明兩羅先生

講學之所多梧桐故名

徐應雲記進城距新吳再舍有峰嵯峨而特秀者梧桐山也有溪環

抱而映帶者馮水之流也山水相會意必有隱君子居其間按圖誌則知五季時有中庸誠明二先生姓羅氏仁節仁儉其名也先生兄弟築精舍於山之陽以義理之學授其徒李氏有江南國相郡守知其名辟召莫能致獨以徐鉉為知己者著書十四卷號宗孟集沒世肥遯士論高之墓在龍泉之地宋興二百載謝良齋攝邑始揭其石於墓以示民精舍旁有祠有碑歷兵火廢為墟書亦遂無傳焉惟其裔蕃衍至今有伯虎者尊祖以善其族因舊基築書院

奉新縣志

卷二

學校書院

五

院扁以梧峰闢以奉之所以私淑於後人者遠矣歲嘉熙庚子與士友會文於廡明年請余記故叙載其本末系之詞俾歌以祀先生詞曰棲碧梧兮朝陽若有人兮霞裾月裳馮水駛兮泱泱若有人兮翹風而杭蕙有馥兮蘭芳奠桂酒兮椒漿企潛直兮心莫忘凱雲馭兮徜徉惠我後人兮世其昌山水無盡兮先生不亡

華林書院在華林山宋史雍熙中邑人胡仲堯構學舍於

地也

徐鉉記士君子承先世之澤服聖賢之教修身治心行之本也睦親敦倫孝之大也化民成俗仁之至也

豫章屬邑華林世家山水特秀英靈所鍾國博仲堯積功累德儒者共推寺丞仲容抗疏獻規天子所籍文學蟬聯簪纓奕葉一科五第天開列宿之文七世同居星戢少微之曜至我先公尤精左氏惟君兄弟忝在同盟言斯出矣身則行之孝友嫻睦之行周旋揖遜之儀內修於閨闈外達於里閭賢士大夫向其風哲人君子論其世近古以來未之有也又思上古之隆何由馴致詎以六經之學可以化成迺即華林之陽獨開元秀之聖祖孫一德洙泗同風

傳經者已數代肄業者常千人神存昭曠之原目寓清虛之境青山擁翠綠樹浮青飛瀑散讀書之聲虛亭動人文之色何誇二酉之藏富在穴中不數三花之盛秘之石室也按圖經李八百陶安公皆修真此山足知人境相忘靈光有待天之所開良不偶爾豈直豫章之間氣概以占皇宋之文運矣鉉與弟欽義在通家心同仰止瞻依萬里聊述片言嗚呼御札賜書日星並曜宸章聖藻金石同輝期有光於前人不無望於奕世為胡氏之後者庶幾勉之時名公鉅卿絃其事者王冀公欽若王內翰禹偁孫諫議瑾李待制虛已龔公常發跡其地不十年遂參大政楊億題華林書院詩聞說華林院名將闕里偕生徒似東晉書籍勝西齋俎豆儒風盛墳窟樂韻諧門閭雙桂茂編秩九流排講學摹紗幕題詩掛粉牌荀陳傳舊族游夏結同儕紅實洲生橘清陰世種槐夜蟬穿戶牖晴瀑瀉巖崖遠客來千里新恩出兩階橫經定何日憑此寄幽懷張齊賢前題一百年來煙爨同衣冠江左慕家風兒孫歌舞詩書內鄉黨優游禮讓中孝弟筠編爭紀錄門閭天語賜褒崇莫將六闕方朱氏葉葉蒸嘗奉始終陳堯叟前題旌闕書亭煥水鄉四時煙景似滄浪玉漿寒色連莎砌金障秋陰覆草堂田里雍容應遜畔兒孫遊戲亦成行吾君孝理

奉新縣志

卷二

學校書院

毛

風天下誰識謳歌綴樂章王禹偁前題水閣山齋架碧虛亭亭華表映門閭力田歲取千箱稻好事家藏萬卷書旋對杯盤燒野筍別開池沼養溪魚吾生未有林泉計空愧妨賢臥直廬晏殊前題西齋輝赫巨山隅嘉致清風世莫如鄉黨名流依絳帳煙蘿幽境是仙居趨庭子弟皆攀桂彈鋏賓朋總食魚汗簡傳經亞鄒魯粉牌留詠盡嚴徐杯盤互進先生饌門巷應多長者車墳籍豈惟精四部絃歌常見習三餘玳簪珠履延豪士縹帙牙籤列賜書碧沼莫涼浮菡萏紗窗秋靜漏蟾蜍閑庭瀟灑移泉石華表呼嶸冠里間我恨羈遊在芸閣不陪諸彥曳長裾錢若水前題居近華林對白雲義風深可羨人倫兒孫盡得詩書力門巷偏多車馬塵樓上落霞沾筆硯池邊怪石間松筠鄉間豈獨民趨善階砌無關鳥亦馴朱實垂庭紅橘熟清香襲坐葯畦春他年好卜為隣住悔茸吾廬洛水濱

三賢書院在北門外寶雲寺西宋周敦頤為分甯簿蘇軾省其弟於筠州黃庭堅又分甯人三賢嘗至此至元間邑

人鄧謙亨建祠歐陽元記今廢歐陽元三賢書院記洪之奉新三賢書院者春陵周

元公眉山蘇文忠公修川黃文節公實修川人蘇文忠公南行  
賢以元公嘗仕修川黃文節公實修川人蘇文忠公南行  
弟文定公謫官筠州因省其弟過洪州之筠奉新為邑有  
三賢之轍迹焉故邑人慕而祠之孔子之宮更兵祠廢世  
儒鄧謙亨久欲復未暇後至元五年己卯有旨禁民為蓮  
社其祠宇聽民請佃為業有堂名種德者適邇鄧氏居謙  
亨與伯子杞謀遂入辭於官請為三賢書院有司許之乃  
撤故益新加以補葺中為先聖燕居別室為三賢祠一如  
他書院制既而講授肄習悉循其規於是割田若干歲入  
得粟數百石以備聖賢饗祀師生廩膳之資他日其季子  
梓宰邑安化道瀏上將父兄命具書院巔末謁元為之記  
元嘗竊考周公道德之盛其出處正當汴宋承平之秋  
君子眾多之日當世諸賢搢紳士惟呂正獻趙清獻二公  
相知文學蘇文忠黃文節深企仰文節稱公光風霽月人  
品甚高新安朱文公每服其知言文忠作濂溪詩有曰先  
生豈我輩造物乃其徒此非深喻太極通書之旨能為是  
言哉然蘇公之識之卓能知尊周子之學而不能知程子  
之賢黃太史之詞章足以極周子之形容其行義乃不足  
以獲富韓公之識鑑孟子所謂智之於賢者命也蓋蘇黃  
之知周子即孟氏所謂性歟慶歷元祐諸公之罕接於濂

奉新縣志

卷二

學校書院

五

溪眉山之不偶於洛學修川之不見察於彥國豈非命歟  
二賢生平起敬周子之心一日著於文墨議論之間詎知  
百歲同堂之祠實張本於斯焉是亦孟子之所謂命者歟  
元固願士之來游來歌於是者厲其希賢之志勿諉於命  
務究所知謂性不謂命焉前修遠乎哉元之記庶幾可為  
諸士友進修之一助云

四賢書院在東門外明萬曆知縣馮焜遷三賢書院於此

增祀楊誠齋額曰四賢書院自為記順治間知縣胡以溫

重修馮焜四賢書院記奉新舊有三賢書院在寶雲寺西  
實始宋李令兼以周濂溪蘇東坡黃山谷三先生嘗

過化焉而祠之學宮至元邑人鄧謙亨始創為書院嗣是  
興圯不常馮子初下車則思改之顧事未易就逾五年會  
改建廣仁倉於縣儀門內而舊倉儀門左尚餘隙地前有  
池栽蓮數莖庶幾足當濂溪之愛木梁其上屬之門而田  
疇彌望青黃錯繡陶仙嶺遙拱半舍外若橫玉几稱奧區  
遂建廳三楹翼以耳房以正三賢之位既思邑祀三賢徒  
以濂溪簿分甯山谷居分甯東坡訪子由於筠州皆取道  
奉新一時逆旅無居官得民之實而宋之賢令其以居官

得民顯者無如楊誠齋先生而先生之道德節義文章亦足以方駕三賢而無愧三賢有書院而誠齋無專祠僅以名宦類祠學宮得乎若賓三賢而配以誠齋之賢主人於禮為適遂扁其門曰四賢書院而舊倉則專儲常平社倉穀為識其門曰書社倉以從所重焉夫理學大明無如宋室而尤無如濂溪先生之純粹以精若太極之圖主靜立人極易通之誠無為幾善惡皆喚醒羣迷自我作祖山谷嘗稱其胸中灑落如光風霽月朱子以為善形容有道者氣象而誠齋之易傳大旨與圖書相發明則祀三賢於一堂其氣味必有合也獨濂溪之學惟二程夫子得其宗而東坡立朝至與伊川先生忿爭同堂而祀母乃不可乎詎知歌哭不同日之解失不盡在東坡特出言太峻似少含蓄至於分曹立黨即不盡出伊川獨不能訓其徒呂陶等而使之以公義取容乎嘗怪以荆公之執拗而未嘗不屈服於明道先生之一言以東坡之爽豁而伊川先生與之分黨則其不及家兄者恐不徒在寺中閒步閒也而况東坡雄文高節即不歸依理學而自足與起後人乎是故去奴死不同事清任和不同道而孔孟則同仁之又何疑於周蘇二先生之同祀也嗟乎聚族而居錯履而處以彼問彼猶有不知分甯之黃猶曰同郡吉州之楊猶曰同省若

奉新縣志

卷二

學校書院

堯

周蘇產自蜀楚越數千里外傳舍蘧廬何親之有而宗其名氏尸祝至今則一天契合便屬神交千古非遐宛如面命後之官斯土與興斯土而過焉者亦尚味於斯文

九賢書院即四賢書院因本邑舊祀周吳忠節祠及沈令

尹高令尹二祠俱廢毀遂移周忠愍吳廉訪暨沈高二木

主於其內順治間增祀名宦廖擇額名九賢書院知縣萬

物育記雍正十一年知縣趙知希諭令廖擇後裔重修咸

豐五年寇燬十年其後裔重修知縣周成民序十一年復

被寇燬萬物育九賢書院記余辛卯通籍甲午冬杪捧檄

虹詢之父老云斯橋也宋元祐間大令廖從善公所建公

季子家焉余仰止久之獻歲仲春詣東郊修祀事敬瞻周

蘇黃楊高沈吳周諸君子式靈其上訪諸師儒始知李兼

祀三賢於學舍元邑人鄧謙亨創三賢書院於寶雲寺西  
明萬曆戊戌邑宰慈谿馮君因社倉門左隙地改建以宋  
令楊誠齋有居官得民之實而道德文章事功節義可匹  
三賢而無愧故增三而四焉始末載三賢四賢祠記中  
本朝順治庚寅燕然胡君雅志懷古查迤北有祠合祀宋高  
如山沈鳳翽二令尹蓋高祈雨救荒願以身代而沈則捐  
稅辯獄人不能諉社倉右側祀明周忠愍吳廉訪鞠躬盡  
瘁遇害皆道德文章事功節義之可表見者祠廢乃於四  
賢書院彙祀八賢於一堂仍配以孝烈周子幹義士何子  
冲霄稱懿舉焉丙申春月廖裔明經雲衿士文茵有求其  
始祖宋名宦令尹諱擇合祀余頌議於學宮學博湯君善  
卿程君虞臣旁搜志籍博稽公論咸稱廖令愛民建梁本  
於道德文章節義事功質之諸賢不多讓宜進公同饗以  
報盛德余稽先生膺登甲第服官宣德學問淵源直升春  
陵之堂中立無回護與元祐眾正彙征眉山玉局樂得同  
道修川繡錯咫尺元亭輪蹄所經賦詩贈編若高若楊若  
沈皆繼續紹符共涖斯土流風善政不謀而合致身敬事  
成仁取義心源若揭以俟吳周不較若畫一乎嗟乎書院  
之增三而四也馮君為誠齋千秋知已四賢之合祀而入  
也胡君不因高沈吳周百世興起乎茲余之採酌輿言進

奉新縣志

卷二

學校書院

本

廖令而九也敢以知已興起為已任亦於廖令而私心嚮  
往起九賢而親炙之乎敬顏其額為九賢書院况四賢之  
建經始於萬曆戊戌之秋而九賢之改踵事於  
皇上戊戌之秋馮君釋褐之年又與余符歲時週會科名接武  
母亦天時地靈人文嘿為引掖而輻輳者耶余讀禮解組  
廖氏諸子請予勒石余嘉乃祖德且美其繼序不忘走筆  
為文鞏固貞珉尹德嘉重修九賢書院記乾隆三十三年  
年余奉

命縮

符奉邑甫入境書吏進邑乘一冊得覽邑之風土人情與  
夫前後居官治蹟而藝文騰聲蜚實揚葩振采九賢書院  
記中涖斯土者四已心竊嚮往迨謁文廟名宦祠廖氏遍居  
先生尊居首席思通化橋攷吳公彥宏記又知廖氏遍居  
鄉市者皆其後裔故橋屢損而屢修既蕃且賢想當年之  
惠澤及人概可知矣時修祀事登改建九賢堂于拱凌雲  
重簷架雨宏深亢爽牆垣周固匠心行於事先物境運乎  
度內蓋國學生廖遜以始祖榮膺祀典捐金首倡勸以族  
中公會益以族眾樂助志同意孚誠一姓之盛舉也辛卯  
春復登斯堂工尙未就遂進廖氏諸子而諭之象賢濟美  
即諸賢且歆茲愛戴占大壯而咏斯干者豈任其終鮮惟  
相期於勿懈咸樂余言迺有先生裔孫希仁暨世俊慨然

奉新縣志

卷二

學校書院

空

復捐多金成茲盛舉余已另立碑文頌揚其美然則圖終  
 謀始其功百倍於會中物諸裔樂助舉重或可遺輕而  
 所以能勝斯任而無難夫君子內有以得諸已外有以與  
 人同其好乃為先王之道不必高行異迹震驚耳目先生  
 仕於宋元祐間去今已久余每登斯堂莫不低徊俯仰無  
 所為而為莫之致而致雖遠彌親無他同其好也即其留  
 季子以慰輿情纏綿莫解衡岳馮川久忘遠邇以視朱邑  
 桐鄉更不可同年而語宜夫後人遞傳詩禮奕世簪纓福  
 善餘慶不其然歟昔馮公居方改三賢為四賢祠記云周  
 濂溪蘇東坡黃山谷三賢為賓而增楊公誠齋為東道主  
 位置當矣詎知先生子姓改建祠宇壯其規模隆其簠簋  
 就其尊祖之心釋其契合之誼楊公且主易為賓我知從  
 善先生樂得誦孔北海座上客常滿尊中酒不空之句也  
 今廖氏諸子詳述改建始末請子詞勒石子亦不事鍊句  
 琢辭惟節取九賢書院記中嘉乃祖德且美其繼序不忘  
 云爾至先生之道德文章節義事功本記已詳不贅周  
 成民序戊午秋余捧檄新吳任親謁文廟與鄉賢名宦誠  
 以景先型策後進也見有巍然首列者則廖從善先生先  
 生於宋元祐間治此土德政治民心既內遷父老攀轅遮

道因留季子家焉至今瓜瓞縣延雲蒸霞蔚為邑中巨族  
 者皆先生厚德所貽也  
 國朝初年合邑人士暨先生裔孫請祀先生於入賢書院入  
 賢書院者元邑人鄧謙亨創立也其時祀周濂溪蘇東坡  
 黃山谷三賢繼增楊誠齋為四賢繼復增宋高如山沈鳳  
 翮二令尹暨明周忠愍吳廉訪為八賢仍以孝烈周子幹  
 義士何子冲霄配之迨進先生而九也乃顏其額為九賢  
 書院云夫以諸君子功烈冠一時聲名昭萬世其薦馨香  
 而享祀不忒者  
 聖天子崇德報功之大典也而悼往跡於將湮溯遺徽於既杳  
 俾薰善良而率履不越者良有司尊賢樂道之深心也茲  
 遭兵燹之餘祠已廢歲時致祭則惟於廖氏公祠盡禮焉  
 所謂九賢書院僅存片壤於斷瓦頽垣荒煙蔓草之中春  
 露秋霜臨風弔古莫不生其悽愴怵惕之思况有為其子  
 孫者而忍令茫茫陸緒終沒而弗彰也哉今年春先生後  
 裔大鏞等慨然有志興修而請余序之蓋慮獨力難勝而  
 眾擎易舉也余因捐廉以爲之倡生等聚族各輸若干  
 并祈邑中好義之士踵而增之集腋成裘共成懿舉不獨  
 先生之靈以妥即入賢亦皆得式憑焉且令來斯土者親  
 登有道之堂居是邦者共敦先賢之品咸知奉邑之有九

賢焉此則余之所厚望抑亦邑人之厚望也夫

帶經堂在縣郭外宋直學士余曠建一名龍洲書院高安

幸元龍記

二何先生書院在馮水之南為縣令何嘉祐何縉同建詳

見岐峰書院

吟溪書屋在縣西三十里明邑人陰鏗建

黃載詩吟溪溪上起書樓最愛

高人隱趣幽勤學嘗開羣玉府樂遊不典萬金裘物華秋色芙蓉水詩思春風杜若洲勿謂考槃終弗告少微先動帝王州

皖江陳先生書院在馮川橋之南為邑令陳廷樞建

西峯塢草堂在縣西五十里頭陀山之右

奉新縣志

卷二上

學校 書院

奎

東甌講堂在縣治馮水之北為縣令胡以温建胡號東甌

值順治戊子之變能保土全眾暇則招致士子飲酒賦詩

邑人懷其德因建堂以誌不忘久廢邑人即遺址前創店

二間收租葺馮川橋祀公於後

董侯書院在從善鄉顧溪便民倉後祀知縣董宏毅增祀

知縣黃虞再趙知希置有田租壹百四十二石七斗及莊

屋一所

鄒玉鬯重修記事有興於一人功垂百世者雖時久則變難免廢墜其德意休風猶令有心者尋源

而想慕不衰我一都故有書院建於康熙初年時蓋邑侯董公樂育人材擇良師令鄉之秀穎肄業其中鄉先生月

加考課獎勤抑惰俾不偽於所學此不獨吾鄉為然而吾鄉董侯書院之名為最著後十餘年河北舊倉壞於水移

建於院東西之餘地是時前有廳宇後有講堂敬業樂羣者濟濟其間所貯漕米藉保無虞邑父母驗米來鄉且得

假為行署乃歲久不修風侵雨蝕牆則圯其三面堂則留  
不數椽年來邑父母借棲僧舍湫隘不堪值年糧催等巡  
邏隄防並多艱苦三圖學者固宜過門不入也乾隆己酉  
各甲納米之際會議重修牆垣棟宇悉選用新材又添蓋  
橫亭及東西廳舍既堅既好閱一寒暑而竣工顧昔者斯  
宇鄉學也非倉也不得已而以倉歸焉今斯宇之葺為倉  
也亦為學也仍其舊而以講堂名焉嗟乎興於一人功垂  
百世固可聽其泯滅哉方今

聖天子雅意作人廣興學校凡四海邊陲無不蒸然向化賢侯  
有良法是宜紹休風而佐

盛治

適各圖丈者謀欲興課意與余合爰集眾議定章程擇老

成更事者董其事焉夫興衰成敗之故繫於人前之人薙  
草萊以創建則居然鄉學後之人任傾頽而廢學則還為  
草萊乃者更而新之無愧前人學能無曠課董事者能  
不因循繼繼繩繩行之無怠將見簪紳光里黨文物甲馮  
川詎非盛事董侯有靈當亦降臨而色喜也已

登雲書院在從善鄉河南下街咸豐元年紳富劉儀鄒岱

南余振采胡以安劉左佩岳崇慧熊思祖周春榮余耀南

奉新縣志

卷二

學校 書院

三

李我法劉金誥等倡勸捐輸數千金二年建置買靖邑福

壽中港余家墩三處田租共壹千壹百餘石河南下街店

屋四圍歲收租錢以為四時課士之費

上義書院在奉化鄉上村

李羅戴溫黃  
曾王七姓建

合捐租壹百二十

五石五斗錢二百四十四千文

邑侯呂懋先序書院為養  
育人材之地故凡碩彥鴻

儒名臣理學無不出於其中誠為學者肄業切要之所顧  
自兵燹以後各處之書院皆遭髮逆燒燬所過州縣講堂  
悉為焦土致令士子苦無講誦之處而年來習舉業者半  
皆奔走流離或有逃適他鄉者恆致學業荒蕪不能收束  
身心以向於道誠為可嘆丙寅秋余握篆新吳下車甫越  
月適邑之孝廉李君壽齋以其鄉去城太遠每遇風雨生  
童艱於應岐峯馮川兩書院課爰謀諸附近七姓互相釀  
錢於其鄉構一義學書院膏火經費皆有所出設立條規  
法良意美可垂久遠顏其名曰上義誠善舉也將庀材鳩  
工有日矣執其條規一簿來謁於余乞為序言余閱而樂



之並見簿內載有青雲堂文會酌定條款多為鼓勵人材起見方喜鄉之人好學頗為有志之士顧文藝乃士之末古之君子其所以講求夫實學者莫不以忠孝節廉為重身體而力行之故出而治世即敷布其所學發於事為莫不為當代良臣垂諸史冊炳若日星千百載後其芳聲偉績猶挂人齒頰足以起懦興頑原非僅以文詞見稱於世已也今壽齋孝廉倡此義舉其有益於鄉之士人為何如他日落成之後吾願講習其中者羣皆切磋琢磨以古人之學為學從此步青雲登玉堂佐皇猷而出撫斯民者率皆以忠孝廉節存心行見卓卓有所表見於世豈不懿哉况書院名為上義尤當顧名思義害義者即為利心苟縈戀乎利則清明之氣漸即消泯舉凡忠孝廉節亦幾乎忘之矣可不懼哉壽齋孝廉以爲然否余素性簡直不好假飾故公餘之暇率筆而抒期望之意且喜捐俸以爲倡始竊幸諸生童爭自奮勉相與底於有成或不以余言爲河漢焉是爲序

西坪書院在富溪河北歸德鄉眾建知縣吳憲文記奉新

奉新縣志

卷二

學校書院

書院

與思爲計而未得也歲乙巳鄉之紳耆請獨爲書院卜基奉化富溪之西坪予喜爲牒請上憲且捐廉百千然私意事成之曠日也未幾聞釀金過千萬矣率匠工作矣置田租七百餘石矣屢欲以一見爲嫌戊申春會以公幹至其地野曠溪環堂室固而厥植數百楹勢區三字其中文昌宮示尙文也東爲銘德祠祀捐貲主西謬尊予以講堂堂之下重闢以廳舉董事之有殊勞者名於木主而祀之日報功祠此外房廊重疊則肄業之所焉吟誦之聲琅琅四應爲欣慰久之蓋予曩者慮其遠於附城兩書院而課不與與其獨爲書院之將曠日也至是而復無有遺憾矣繼自今人文之盛豈有艾哉詎有艾哉然非鄉之勇於赴義安有此是役也三閱寒暑倡義者某某贊襄者某某督匠氏而經營者某某俱詳報功祠主不復爲之贅云

乾隆六年邑紳樂助至十二年復置馮川書院田租一百

四十三石七斗樂助姓名

羅興錦 監生 張庭蘭 鄉耆 俱助銀三十兩 羅克晨 羅克緯

嚴盛旭 劉侃 監生以上 彭仕 吏員 俱助銀二十兩 徐應廷

蔡鴻才 貢生以上 蔡濟才 員生 羅克最 羅夏集 羅

羅虞集 監生以上 嚴克相 介賓 王奕傳 鄉耆 胡仲藩 吏

貢助銀十兩 徐應延 貢生 曾逢 監生 俱助銀八兩 蔡用

尚才 舉人 陳坦 貢生 羅克聰 員生 羅洪謨 劉秉海

李瀚 吳成健 羅珊 嚴盛祺 蔡若楷 蔡秉

寬 監生以上 宋七智 鄉飲 俱助銀五兩

奉新縣志 卷二 學校書院 奎

乾隆四十三年邑紳又添置馮川書院田租一百八十八

石五斗樂助姓名

胡 鵬

助銀五十兩

張懋誠

助銀四十兩

徐曰是

助銀二十

四兩

鄧氏祠

熊 才

甘遐齡

俱助銀二十兩

喻元達

廖 廉

俱助銀十五兩

鄒玉藻

鄒玉泰

熊家光

熊東

海 余有仁

喻元發

喻元漳

喻林璋

徐曰晨

徐曰昶

熊汝誠

鄒岐昌

甘學詠

嚴遇洪

彭作

梅 陳宏軒

廖繩菴支

廖 澂

王 勳

徐氏祠

廖學梁

俱助銀十兩

金光斗

鄒文畧

鄒 華

劉

學煜

甘定廷

陳達可

陰五絢

俱助銀八兩

汪清章

奉新縣志

卷二上

學校 書院

奕

鄒 錦

涂錫盛

熊鎮定

俱助銀六兩

熊三坦

洪

達 汪 瀚

汪公祥

胡拔元

涂錫禧

蔡 澥

蔡奏功

蔡建章

蔡承基

蔡以文

嚴廷詠

嚴

亮 廖淡菴支

陳鳳游

鄧 從

嚴秉衡

嚴毓德

嚴 秩

嚴調燮

熊榮恩

陳鳳國

王克治

嚴

欽 廖世俊

俱助銀五兩

歸德鄉

助銀五十八兩

試院

試院在縣治西

文昌祠後嘉慶九年邑人捐建成豐間

賊寇踞城毀文昌宮先代殿及八棚桌板同治初各鄉沿

前捐修遺蹟修復宮及兌棚震棚西邊公費修後教諭郭

勅建文昌宮先代殿併附建試棚記  
皇上御極之六年以文昌神聰明正直扶正教闢邪說有功於

世甚大令直省郡州縣建宮殿以崇體制以秩禮祀海內  
翁從而奉邑艱於公費踟躕有待先是邑試童子惟在縣  
署偏仄擁擠且自攜坐具士常苦之謀建試棚者屢矣以  
工費甚鉅亦踟躕有待時予忝鐸茲土皇然曰是皆典學  
校者之責也乃於甲子仲春集邑人士議之僉謀惟允爰  
相城西昭德觀隙地為宮殿基撤舊圯羽流所祀各祠宇  
為試棚基猶未足炫南徐公倡捐祖仁菴所遺闔闐出入殊  
兄學物蔬園廢址而試棚之基定地前臨闔闐出入殊  
乃徐公喆慨然撤其巨肆捐其地為前門基眾出百餘金  
售左右二小廛以足之規畫已具土木並興於是縣市建

奉新縣志

卷二

學校 試院

三

康南北四鄉建文昌宮並建官廳於試棚之南奉新鄉建  
先代殿縣市廖公濟翔建官廳於宮之中法城鄉建興賢  
育才二坊由二坊入為試棚入曰乾棚坤棚縣市徐廖子  
姓建曰兌棚進城嚴公秋圃建曰離棚從善周公潮海岳  
公訥齋建曰震棚法城涂公勉齋進城羅公晴峯建曰巽  
棚縣市鄧公慎菴建奉化鄉建坎棚法城鄉建艮棚而各  
鄉之絡繹捐輸者自百金至數十金一二金不等則以其  
材移建舊圯羽流所記諸廟及好義祠一環試棚南北至  
宮殿左右連延百丈瑩以白石繚以崇垣宮之南構洞  
門三門之外豎照牆一砥石鋪墁施列行馬皆各鄉輸金  
費也役始於甲子七月閏丙寅工竣共費白鏹一萬七千  
有奇邑諸君子謁子曰是役待先生而成尚望先生垂以  
一言子曰諸君子此舉固非微福於神為科甲赫奕計也蓋  
好善之誠自勃然難遏耳昔文文山記龍泉梓潼祠有云  
為臣止忠為子止孝此其內心固油然不自已而况高山  
仰止明神在前則其戒謹恐懼功力當倍是語也余恆佩  
誦之竊謂於此舉尤有合焉嗣自今邑士試於此者安棟  
宇之軒敞凜神明之質臨文行交修夙夜匪懈庶幾處為  
良士出為良臣可無負  
朝廷崇祀設教之意而亦予與諸君子共黽勉勸成茲役之

志也夫諸君子以爲然遂書於石至諸君子倡督是役誠勇於義舉矣各泐芳名以冠碑巔不贅

好義祠在試院右側祀宋胡价同各姓諸公

按嘉慶九年闔邑修建文

昌宮及試院入棚費以鉅萬計公議捐銀百兩以上者建祠設主以旌其義邑人士踴躍樂輸尅期告歲維時好義者眾凡子孫出資歸美於先人者居多故木主所載之名不一然亦有闔祠及各祭會公捐而不願入主者有子孫捐輸體先世讓德而未入主者並有本人好義因己入碑刻而不願入主者若不爲登載恐沒其好善之誠若第載現在姓名又未免偏枯之議故列其居首使入是祠者遍瞻姓氏亦可爲將來慕義急公者勸

附南昌府學修建諸義舉

乾隆五十六年經邑人羅允叔等倡議勸捐重新南昌府學入

屬各有捐建公所奉新所建者爲多彙載於後詳見巡撫阮元記

文昌宮從善鄉岳建暨捐建

魁樓進城鄉羅冕捐建

奉新縣志

卷二

上

學校

書院

六

尊經閣從善鄉熊守謙余綸凌章信劉德同捐建

聖學心傳坊學宮圍牆進城鄉彭瀚捐建

泮宮坊縣市下坊廖廉捐建

官廳進城鄉嚴盛旭捐建

崇禮堂正廳合邑公建

崇禮堂東邊合邑公建

崇禮堂西邊從善鄉李掄升周勉齋同捐建

同治十一年周安素堂重修周姓牆屋

南昌府試院乾隆三十七年入屬公捐修葺奉化鄉蔡秉

寬捐一邑之費嘉慶十一年秉寬子承經孫顯功等同嚴

宗樸重修

王子重修學宮樂輸

知縣劉士清 捐足錢玖拾捌千文復撥署內公項足錢壹百陸拾叁千文

縣市鄉 捐足錢壹百千文

從善鄉 捐足錢壹百千文

建康鄉 捐足錢伍拾伍千陸百文

同安鄉 捐足錢拾壹千捌百文

奉新鄉 捐足錢伍拾伍千四百文

南鄉 捐足錢伍拾柒千文

北鄉 捐足錢玖拾陸千玖百文

奉新縣志

卷二

突

新興鄉 捐足錢陸拾叁千叁百文

新安鄉 捐足錢肆拾千文

法城鄉 捐足錢貳拾玖千柒百文

進城鄉 捐足錢伍拾千文

奉化鄉 捐足錢伍拾玖千文

歸德鄉 捐足錢肆拾柒千文